

摘藻堂四庫全書薈要

經部

欽定四庫全書薈要

經部

左傳注疏卷三十一

詳校官原任侍講臣王燕緒



欽定四庫全書薈要卷一千一百四十七

經部

春秋左傳注疏卷三十一

一起襄公十年
盡十二年

晉杜氏注

唐陸德明音義

孔穎達疏

經十年春公會晉侯宋公衛侯曹伯莒子邾子滕子薛伯起伯小邾子齊世子光會吳于柤注吳子在柤晉以

諸侯往會之故曰會吳吳不稱子從所稱也柤楚地音

義

祖莊

疏

正義曰成十五年諸侯大夫會吳于鍾離五
加反

年魯衛會吳于善道皆大夫來也此傳云會
吳子壽夢則吳子自來也五年戚之會吳序鄫上此殊
吳者亦如鍾離善道晉以諸侯往彼會之故曰會吳也

哀十三年公會晉侯及吳子于黃池彼稱吳子此不稱子者從其所稱也蘓氏云謂諸侯直稱之曰吳故從諸侯之所稱也至於黃池之會自去其僭號而稱子以告令諸侯故諸侯亦從而稱之也劉炫云從所稱者諸侯盟會會則必自言其爵盟則自言其名故盟得以名告神會得以爵書策吳是東夷之君未開諸夏之禮於此自稱為吳不知以爵告衆故從所稱書吳也故釋例云吳晚通上國故其君臣朝會不同於例亦猶楚之初始是言吳未知稱爵也

夏五月甲午遂滅偃陽注偃陽妘姓國今彭城傳陽縣

也因祖會而滅之故曰遂音義

偃徐甫目反又彼力疏反本或作逼妘音云

正義曰偃陽妘姓傳文也鄭語云妘姓鄆鄆路偃陽也遂者因上事生下事之辭此因祖會而遂滅偃陽雖復

隔以日月文猶繫於會祖因
會祖而始謀滅之故言遂也

公至自會注無傳

楚公子貞鄭公孫輒帥師伐宋

晉師伐秦注荀瑩不書不親兵也疏

正義曰傳稱荀瑩
伐秦而經不書瑩

知瑩不親兵
以師告也

秋莒人伐我東鄙

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭注齊世子光先至於師為盟主所

尊故在滕上疏

正義曰周禮典命諸侯之適子誓於天子攝其君則下其君之禮一等未誓則

以皮帛繼子男鄭玄云誓猶命也言誓者明天子既命以為之嗣也十九年傳云光之立也列於諸侯矣則光是未誓者也法當繼於子男之下祖之會列於小邾之下是其正也於此伐也傳稱崔杼使太子光先至于師故長於滕晉悼以齊是大國光復先至心善其共遂進其班為盟主所尊故在滕上言其非正法也

冬盜殺鄭公子駢公子發公孫輒注非國討當兩稱名

氏殺者非卿故稱盜以盜為文故不得言其大夫疏

正義

曰若國家討而殺之則舉國名言殺其大夫若非國討兩下相殺則兩書名氏王札子殺召伯毛伯是也此非國討亦當兩書名氏但殺之者尉止司臣之徒皆非卿也非卿則名氏不合見經故稱之為盜凡言其者是其

所有也君是臣之君故書弑其君臣是君之臣故書殺其大夫盜者寇賊之名賤之不繫於國被殺者非盜之所有既以盜為文故不得言其大夫若如他物殺之然哀四年盜殺蔡侯申注云賤者故稱盜不言弑其君賤盜也文十六年公羊傳曰大夫弑君稱名氏賤者窮諸人大夫相殺稱人賤者窮諸盜其義雖不可通於左氏其言賤盜之意則同

戊鄭虎牢注伐鄭諸侯各受晉命戊虎牢不復為告命

故獨書魯戌而不叙諸侯音義

復扶又反

楚公子貞帥師救鄭

公至自伐鄭注無傳

傳十年春會于柵會吳子壽夢也注壽夢吳子乘音

義

夢莫公反

疏

正義曰十二年吳子乘卒是也服虔云壽夢發聲吳蠻夷言多發聲數語共成一言

壽夢一言也經言乘傳言壽夢欲使學者知之也然則餘祭戴吳豈復同聲也當是名字之異故末言之三月癸丑齊高厚相大子

光以先會諸侯于鍾離不敬注吳子未至先從東道與東諸侯會遇非本期地故不書會高厚高固子也

癸丑月二十六日音義

相息亮反下同

疏

正義曰言先會諸侯則是會期未到

故知吳子未至而諸侯自會也柵與鍾離相近地在宋之東南知光從東道與東方諸侯遇盖邾莒滕薛

之徒自相會遇也本非期會之地會亦不以告魯故
不書也如杜此注則吳子未至亦未赴於祖而上注
云吳子在祖諸侯往會之者吳子元遣告晉言已至
祖而已非晉侯自期於祖召吳子使赴也臧之會則
吳子在善道召使赴臧故與諸國同序於列也杜明
言癸丑是三月二十六日下四月戊午云月一日五
月庚寅云月四日甲午云月八日所以明言日者欲
證前九年閏月為閏五日於上下日月相當故杜備
言其日也劉炫曰杜言癸丑二十六日者
見與下四月一日會相近知非二會也

士莊子曰

高子相大子以會諸侯將社稷是衛而皆不敬注厚
與光俱不敬棄社稷也其將不免乎注為十九年齊
殺高厚二十五年弑其君光傳夏四月戊午會于祖

注經書春書始行也戊午月一日疏

正義曰傳言夏會而經書春知

經書始行傳言會日也諸赴盟會者初去告行而已盟會必行還乃書何則初去之時未知所會幾國豈得即書會也明其皆是行還告廟乃書之耳但所書者或追記發國之初或即書所會之日此會祖以其經傳不同乃知春行夏會其餘傳無會日亦應有如此者如此之類是追記初行也二十年六月庚申公會晉侯云云于蟲牢如此之類是即書會日也此蓋舊無定法史官不同故立文異耳○晉荀偃士句請伐偃陽而封宋向戌

焉注以宋常事晉而向戌有賢行故欲封之為附庸

音義

行下孟反

荀瑩曰城小而固勝之不武弗勝為笑固

請丙寅園之弗克注丙寅四月九日孟氏之臣秦董

父輦重如役注董父孟獻子家臣步挽重車以從師

音義

董徐音謹挽音晚

疏

正義曰重者車名也載物必重謂之重人挽以行謂之輦軍行以載

器物止則以為藩營此人挽此重車以從役也宣十二年解已具之偁陽人啓門諸侯

之士門焉注見門開故攻之縣門發耶人紇挾之以

出門者注門者諸侯之士在門內者也紇耶邑大夫

仲尼父叔梁紇也耶邑魯縣東南莖城是也言紇多

力挾舉縣門出在內者音義

縣音玄注及下同耶側留反紇恨發反挾烏穴

反徐又古穴反出疏正義曰縣門者編版廣長如門如字一音尺遂反施闕機以縣門上有寇則發機

而下之諸侯之士攻偃陽之門已有入者縣門乃發耶人統挾而舉之以出門者門者謂攻門者也統為

耶邑大夫公邑大夫皆以邑名冠之呼為某人孔子之父名統字叔梁古人名字並言者皆先字而後名

故史記孔子世家稱為叔梁紇也服虔云挾挾也謂以木挾挾縣門使舉令下容人出也門者下屬為句

狄虎彌建大車之輪而蒙之以甲以為櫓注狄虎彌

魯人也蒙覆也櫓大楯音義虎音斯彌徐音弥一音武脾反櫓音魯楯常尹

反又音尹左執之右拔戟以成一隊注百人為隊音義隊徒

對反徐疏正義曰鄭玄云大車平地載任之車也考徒猥反工記車人為車柯長三尺大車轂長半柯

輪崇三柯是輪高九尺其車固圓周二丈七尺建立也立此大車之輪而覆之以甲以為櫓也考工記及長尋有四尺車戟常崇於父四尺八尺曰尋倍尋曰常則戟長一大六尺也隊是行列之名百人為隊相傳為然成一隊者言其當百人也

孟獻子曰詩所謂有力如虎者也

注詩邶風也音義

邶音佩

主人縣布董父登之及堞而

絕之注偃陽人縣布以試外勇者音義

堞音牒徐養涉反

隊

則又縣之蘇而復上者三主人辭焉乃退注主人嘉

其勇故辭謝不復縣布音義

隊直類反復扶又反注同上時掌反三息暫反

又如疏

正義曰宣八年傳曰晉人獲秦諜殺諸絳市六日而蘇則蘇者死而更生之名也董父隊

而悶絕似若死然得蘇悟而復緣布上

帶其斷以徇於軍三日注帶其

斷布以示勇音義

斷徒亂反徇似俊反

諸侯之師久於偃陽荀

偃士句請於荀瑩曰水潦將降懼不能歸注向夏恐

有久雨從丙寅至庚寅二十五日故曰久音義

潦音老

請班師注班還也知伯怒注知伯荀瑩音義

知音智

投

之以机出於其間注出偃句之間音義

机本又作几同

曰女

成二事而後告余注二事伐偃陽封向戌音義

女音汝下

及注余恐亂命以不女違注既成改之為亂命女既皆同

勤君而興諸侯牽帥老夫以至于此既無武守注無武功可執守而又欲易余罪曰是實班師不然克矣

注謂偃句將言爾余羸老也可重任乎注不任受女

此責音義

羸劣危反重直用反任音壬注同

七日不克必爾乎取之

注言當取女以謝不克之罪五月庚寅注月四日荀

偃士句帥卒攻偃陽親受矢石注躬在矢石間音義

卒子

疏

正義曰服虔云古者以石為箭鏑引國語有隼集於陳侯之庭楷矢貫之石砮以證石為

箭鏑若石是箭鏑則猶是矢也何須矢石竝言杜言在矢石間則不以石為矢也周禮職金凡國有大故

而用金石則掌其令鄭玄云用金石者作檜雷之屬
雷即礮也兵法守城用礮石以擊攻者陳思王征蜀
論云下礮成雷
榛殘木碎是也
甲午滅之注月八日書曰遂滅偃陽

言自會也注言其因會以滅國非之也疏

正義曰僖四年公會

齊侯云云侵蔡蔡潰遂伐楚二十三年齊侯伐衛遂
伐晉如此之類一行而有二事者法當言遂遂非善
惡之名而此傳特云書曰遂滅偃陽言自會也則知
此言遂者有非之之意所以然者彼因伐遂伐本謀
成行兵容可一舉而伐兩國會非征伐之事苟偃士
句於會始請則偃陽無大罪諸侯無宿謀因會滅人
情在可責傳稱言自會也是尤其從會行也釋例云
會以訓上下叙德刑遂滅偃陽言滅生於會非本意
也是言因會以滅國非之之事也書曰者是仲尼新
意則舊史不然本蓋別書諸侯滅偃陽仲尼改之而

言遂耳

以與向戌向戌辭曰君若猶辱鎮撫宋國而以

偁陽光啓寡君羣臣安矣其何貺如之注言見賜之

厚無過此音義

貺音況賜也

疏

正義曰光昭宋國開其疆竟以賜寡君

若專

賜臣是臣興諸侯以自封也其何罪大焉敢以死請

乃予宋公○宋公享晉侯於楚丘請以桑林注桑林

殷天子之樂名疏

正義曰若非天子之樂則宋人不當請荀瑩不須辭以宋人請而荀

瑩辭明其非常樂也宋是殷後得用殷樂知桑林是
殷天子之樂名也經典言樂殷為大護而此復云桑
林者蓋殷家本有二樂如周之大武象舞也名為大
護則傳記有說湯以寬政治民除其邪虐言能覆護

下民使得其所故名其樂為大護其曰桑林先儒無說唯書傳言湯伐桀之後大旱七年史卜曰當以人為禱湯乃翦髮斷爪自以為牲而禱於桑林之社而雨大至方數千里或曰禱桑林以得雨遂以桑林名其樂也皇甫謐云殷樂一名桑林以桑林為大護別名無文可馮未能察也

荀瑩辭注辭

讓之荀偃士匄曰諸侯宋魯於是觀禮注宋王者後

魯以周公故皆用天子禮樂故可觀魯有禘樂賓祭

用之注禘三年大祭則作四代之樂別祭羣公則用

諸侯樂音義

禘大計反疏正義曰明堂位云季夏六月以禘禮祀周公於大廟朱干玉戚

冕而舞大武皮弁素積裼而舞大夏彼禘祭唯用大武大夏而不言韶護以二十九年魯為季札舞四代

之樂知四代之樂魯皆有之明堂位云凡四代之服
器魯兼用之禘是三年大祭禮無過者知禘祭於大
廟則作四代之樂也禮唯周公之廟得用天子之禮
知其別祭羣公則用諸侯之樂諸侯之樂謂時王所
制之樂大武是也然則禘是禮之大者羣公不得與
同而於賓得同禘者賓者敬鄰國之賓故得用大祭
之樂也其天子享諸侯亦同祭樂故大司樂云大祭
祀王出入奏王夏尸出入奏肆夏牲出入奏昭夏大
饗不入牲其他如祭祀鄭注云不入牲不奏昭夏王
出入賓出入亦奏王夏奏肆夏又禮記祭統云大嘗
禘升歌清廟下而管象仲尼燕居云兩君相見亦升
歌清廟下而管象是祭與享賓用樂同也而荀瑩云
我辭禮矣沈氏云嘉樂不野合故也魯之禘祭用四
代樂則天子禘用六代樂也鄭康成義以為禘祫各
異祫大禘小天子祫用六代之樂禘用四代之樂魯
有禘樂謂有周之禘祭之樂非左氏義也劉炫云禘

是大禮賓得與同者享賓用樂禮傳無文但賓禮既輕必異於祫魯以享賓當時之失用之已久遂以為常荀偃士勾引過謬之事以諂晉侯使聽宋耳魯以祫樂享賓猶以十一牢為士鞅吳以引徵百牢亦非也

正

宋以桑林享君不亦可乎注言俱天子樂也舞師

題以旌夏注師樂師也旌夏大旌也題識也以大旌

表識其行列音義

題大兮反夏戶雅反注同識申志反又如字下同行戶郎反

疏

正義曰舞師樂人之師主陳設樂事者也謂舞初入之時舞師建旌夏以引舞人而入以題識其舞人之首故晉侯卒見懼而退入于房也謂

晉侯懼而退入

之旌夏盖形制大而別為之名也

于房注旌夏非常卒見之人心偶有所畏音義

卒寸忽反

去旌卒享而還及著雍疾注晉侯疾也著雍晉地音

義

去起呂反著徐都慮反一音除慮反雍於用反

卜桑林見注崇見於卜兆

音義

見賢遍反注同崇息遂反

荀偃士匄欲奔請禱焉注奔走還

宋禱謝音義

禱丁老反

荀瑩不可曰我辭禮矣彼則以之

注以用也猶有鬼神於彼加之注言自當加罪於宋

晉侯有間注間疾差也音義

差初賣反

以偁陽子歸獻于

武宮謂之夷俘注諱俘中國故謂之夷音義

俘芳夫反

疏

正義曰昭十七年晉荀吳滅陸渾之戎獻俘于文宮不言謂之夷俘彼真是我也此言謂之夷俘明非夷

而謂之夷知其諱俘中國改名之也莊三十一年傳
例曰凡諸侯有四夷之功則獻于王中國則否中國
之俘既不合獻王故獻廟亦諱知其
無罪內慙於心故諱之謂之夷俘
偁陽妘姓也使

周内史選其族嗣納諸霍人禮也注霍晉邑內史掌

爵祿廢置者使選偁陽宗族賢者令居霍奉妘姓之

祀善不滅姓故曰禮也使周史者示有王命音義
力

呈反下令疏正義曰霍是舊國閔元年晉獻公滅之
在勸令同疏以為晉邑也內史掌爵祿廢置周禮內

史職文也禮天子不滅國諸侯不滅姓其身有罪宜
廢者選其親而賢者更紹立之論語所云興滅國繼
絕世者謂此也晉侯以偁陽之罪不合絕祀故歸諸
天子使周内史選偁陽宗族賢者繼嗣偁陽之後令

居晉之霍邑以奉姁姓之祀依鄭語及世本皆云偏陽姁姓是祝融之孫陸終第四子求言之後虞夏以來世祀不絕今復繼之善其不滅姓故曰禮也晉侯不自選其人而使周內史者諸侯不得專封示有王命不自專也言納諸霍人者此霍邑或稱霍人猶如晉邑謂之栢人也必知霍人為霍邑者班固漢書樊噲傳云攻霍人是霍人邑名也劉炫云霍晉邑人掌邑大夫猶鄆邑大夫稱鄆人統蓋使為晉附庸也

師歸孟獻子以秦堇父為右注嘉其勇力生秦丕茲

事仲尼注言堇父以力相尚子事仲尼以德相尚音

義

秦丕茲一本作秦不茲

○六月楚子囊鄭子耳伐宋師于訾

毋注宋地音義

訾子斯反毋音無

庚午圍宋門于桐門注不

成圍而攻其城門○晉荀瑩伐秦報其侵也注侵在
九年○衛侯救宋師于襄牛鄭子展曰必伐衛不然
是不與楚也得罪於晉又得罪於楚國將若之何子
駟曰國病矣注師數出疲病也音義數所角反子展

疲音皮

子展

曰得罪於二大國必亡病不猶愈於亡乎諸大夫皆
以為然故鄭皇耳帥師侵衛楚令也注亦兼受楚之
勅命也皇耳皇戌子孫文子卜追之獻兆於定姜姜

氏問繇注繇兆辭音義

繇直救反

䷗

正義曰周禮大卜掌三兆之法一曰玉兆

二曰瓦兆三曰原兆其經兆之體皆百有二十其頌皆千有二百鄭玄云頌謂繇也是言灼龜得兆其兆各有繇辭即下三句是也此傳唯言兆有此辭不知卜得何兆但知舊有此辭故卜者得據以答姜耳其千有二百皆此類也此繇辭皆韻古人讀雄與陵為韻詩無羊正月皆以雄韻蒸韻陵是其事也 曰

兆如山陵有夫出征而喪其雄姜氏曰征者喪雄禦寇之利也大夫圖之衛人追之孫蒯獲鄭皇耳于犬

丘注蒯孫林父子音義

喪息浪反下同禦魚呂反蒯苦怪反

○秋七月

楚子囊鄭子耳伐我西鄙注於魯無所恥諱而不書

其義未聞䟽

正義曰服虔云不書諱從晉不能服鄭旋復為楚鄭所伐恥而諱之也杜以從

盟主而不能服叛國於魯未足為恥被伐無所可諱故云其義未聞還園蕭八月丙寅

克之注蕭宋邑九月子耳侵宋北鄙孟獻子曰鄭其

有災乎師競已甚注競爭競也音義

爭爭鬪之爭下
文與之爭同

周猶不堪競况鄭乎注周謂天王有災其執政之三

士乎注鄭簡公幼少子駟子國子耳秉政故知三士

任其禍也為下盜殺三大夫傳音義

少詩照反
任音壬

○莒

人間諸侯之有事也故伐我東鄙注諸侯有討鄭之

事音義

間間廁
之間

○諸侯伐鄭齊崔杼使大子光先至

于師故長於滕注太子宜賓之以上卿而今晉悼以
一時之宜令在滕侯上故傳從而釋之音義

長丁丈反

已

酉師於牛首注鄭地○初子駟與尉止有爭將禦諸
侯之師而黜其車注禦牛首師也黜減損尉止獲又
與之爭注獲囚俘子駟抑尉止曰爾車非禮也注言

女車猶多過制疏

正義曰前已減損其車復云爾車非禮明是仍嫌車多言其過制大

夫之制不知車常幾乘從軍之車未必制有定限

子駟心憎尉止嫌其豪富本意不為過禮制也

遂

弗使獻注不使獻所獲初子駟為田洫司氏堵氏侯

氏子師氏皆喪田焉注洫田畔溝也子駟為田洫以

正封疆而侵四族田音義

洫況域反堵音者或丁古反喪息浪反下同疆居良

反

疏

正義曰考工記匠人為溝洫耜廣五寸二耜為耦一耦之伐廣尺深尺謂之畹田首倍之廣二

尺深二尺謂之遂九夫為井井間廣四尺深四尺謂之溝方十里為成成間廣八尺深八尺謂之洫方百里為同同間廣二尋深二仞謂之澮然則溝洫俱是通水之路相對大小為異耳皆於田畔為之故云田畔溝也為田造洫故稱田洫此四族皆是富家占田過制子駟為此田洫正其封疆於分有剩則減給他

人故正封疆而侵四族田也小司徒云九夫為井四井為邑四邑為丘四丘為甸四甸為縣四縣為都注

云此謂都鄙采地之制也

故五族聚羣不逞之人因公子之徒以

作亂注八年子駟所殺公子嬰等之黨音義

嬰許其反本亦

作熙又音怡

於是子駟當國注攝君事也子國為司馬子

耳為司空子孔為司徒冬十月戊辰尉止司臣侯晉

堵女父子師僕帥賊以入晨攻執政于西宮之朝注

公宮殺子駟子國子耳劫鄭伯以如北宮子孔知之

故不死注子孔公子嘉也知難不告利得其處也為

十九年殺公子嘉傳音義

難乃二反處昌慮反

書曰盜言無大

夫焉注尉止等五人皆士也大夫謂卿子西聞盜不

傲而出注子西公孫夏子駟子音義

傲音景夏戶雅反

尸而

追盜注先臨尸而追盜盜入於北宮乃歸授甲臣妾

多逃器用多喪子產聞盜注子國子為門者注置守

門庀羣司注具衆官音義

庀匹婢反

閉府庫慎閉藏完守

備成列而後出兵車十七乘注千二百七十五人音

義

藏才浪反又如字守手又反乘繩證反

尸而攻盜於北宮子蟜帥國

人助之殺尉止子師僕盜衆盡死侯晉奔晉堵女父

司臣尉翩司齊奔宋注尉翩尉止子司齊司臣子音

義

翩音篇

子孔當國注代子駟為載書以位序聽政辟

注自羣卿諸司各守其職位以受執政之法不得與

朝政音義

辟婢亦反與音預下魯不與同

疏

正義曰於時鄭伯幼弱政在諸卿國事相與議

之不得一人獨決子孔性好專權自以身既當國望其一聽於已新經禍亂與大夫設盟為盟載之書曰自羣卿諸司以下皆以位之次序一聽執政之法悉皆稟受成旨不得干與朝政令其權柄在已也大夫諸司門子不順子產謂之專欲難成謂此也服虔云鄭舊世卿父死子代今子孔欲擅改之使以次先為士大夫乃至卿也若如服言唯當門子恨耳何由大夫諸司亦不順也子孔若為此法即是自害其子子孔之子亦當恨何獨他家門子乎焚書倉門則還依舊法舊法若父死子代子產即應代父何由十九年

始立為卿

大夫諸司門子弗順將誅之注子孔欲誅不順

者子產止之請為之焚書注既止子孔又勸令燒除

載書音義

為于偽反

子孔不可曰為書以定國衆怒而焚

之是衆為政也國不亦難乎注難以至治音義

治直吏反

子產曰衆怒難犯專欲難成合二難以安國危之道

也不如焚書以安衆子得所欲注欲為政也衆亦得

安不亦可乎專欲無成犯衆興禍子必從之乃焚書

於倉門之外衆而後定注不於朝內燒欲使遠近見

所燒○諸侯之師城虎牢而戍之晉師城梧及制注

欲以偪鄭也不書城魯不與也梧制皆鄭舊地音義

梧音吾

士魴魏絳戍之書曰戍鄭虎牢非鄭地也言將

歸焉注二年晉城虎牢而居之今鄭復叛故脩其城

而置戍鄭服則欲以還鄭故夫子追書繫之于鄭以

見晉志音義

復扶又反見賢遍反下同

疏

正義曰如此傳文諸侯戍虎牢士魴魏絳戍梧

與制耳其虎牢之內亦應更有晉戍也二年晉城虎牢則虎牢久已屬晉非復鄭有今繫鄭者晉侯之意鄭人若服將歸之焉善晉侯故探其心而繫之鄭也釋例曰虎牢鄭之郊竟晉人既有之矣又城而居之

將以脅鄭鄭畏而強服遇楚而復叛八年之間一南一北至於數四晉悼慮其未已故大城置戍先以示威鄭服之日釋戍而歸之德立刑行故鄭及晉平○能終有鄭國春秋探書其本心善之也

楚子囊救鄭十一月諸侯之師還鄭而南至於陽陵

注還繞也陽陵鄭地音義

還本亦作環戶闕反徐音患注同

楚師不

退知武子欲退曰今我逃楚楚必驕驕則可與戰矣

注武子荀瑩欒黶曰逃楚晉之恥也合諸侯以益恥

不如死我將獨進師遂進己亥與楚師夾潁而軍注

潁水出城陽至下蔡入淮音義

潁音

子蟜曰諸侯既

有成行必不戰矣注言有成去之志從之將退不從

亦退注從猶服也退楚必圍我猶將退也不如從楚

亦以退之注以退楚宵涉潁與楚人盟注夜渡畏晉

知之欒黶欲伐鄭師注伐涉潁者荀瑩不可曰我實

不能禦楚又不能庇鄭鄭何罪不如致怨焉而還注

致怨為後伐之資音義

禦魚呂反
庇必利反

今伐其師楚必救

之戰而不克為諸侯笑克不可命注勝負難要不可

命以必克音義

要一
遙反

不如還也丁未諸侯之師還侵

鄭北鄙而歸注欲以致怨楚人亦還注鄭服故也○

王叔陳生與伯輿爭政注二子王卿士音義

輿本又作輿音

同

王右伯輿注右助音義

右音又注同

王叔陳生怒而出

奔及河王復之注欲奔晉殺史狡以說焉注說王叔

也音義

狡古卯反說音悅注同又如字

不入遂處之注處叔河上晉

侯使士勾平王室王叔與伯輿訟焉注爭曲直王叔

之宰注宰家臣與伯輿之大夫瑕禽注瑕禽伯輿屬

大夫坐獄於王庭注獄訟也周禮命夫命婦不躬坐

獄訟故使宰與屬大夫對爭曲直士勾聽之王叔之
宰曰簞門閨竇之人而皆陵其上其難為上矣注簞
門柴門閨竇小戶穿壁為戶上銳下方狀如圭也言
伯輿微賤之家音義

簞音必閨音圭本
亦作圭竇音豆

瑕禽曰昔平

王東遷吾七姓從王牲用備具王賴之而賜之駢旄
之盟注平生徒時大臣從者有七姓伯輿之祖皆在
其中主為王備犧牲共祭祀王恃其用故與之盟使
世守其職駢旄赤牛也舉駢旄者言得重盟不以犬

雞音義

從才用反注同又如字驛息營反字疏正義
林許營反旄音毛為于偽反共音恭曰七

姓從王從王之大臣有七姓也瑕禽言伯與之祖是
七姓之一言其世貴也其祖為王主備犧牲以共祭
祀王家牲用備具王恃賴之言其世有功也平王初
遷國家未定故與大臣結盟令使世掌其職也周禮
牧人陽祀用驛牲檀弓云周人尚赤牲用驛尚書洛
誥云文王驛牛一武王驛牛一諸言驛皆是赤牛則
知此驛旄是赤牛也旄謂尾也共旌旗之
用故其字從𠂔𠂔者旌旗行而從風偃也曰世世無

失職若簞門閨竇其能來東底乎且王何賴焉注言

我若貧賤何能來東使王恃其用而與之盟邪底至

也音義

底音旨

今自王叔之相也政以賄成注隨財制

政而刑放於寵注寵臣專刑不任法疏

正義曰刑罰放赦之事在

臣於寵

官之師旅不勝其富注師旅之長皆受賂吾能

無算門閭實乎注言王叔之屬富故使吾貧疏

正義曰勝

訓堪也言財多故不可用盡不能堪此富

唯大國圖之注圖猶議也下而

無直則何謂正矣注正者不失下之直音義

何或作可誤也

疏

正義曰凡在上正定在下須明在下曲直瑕禽自云已有直理不被上知則是使下無直在上何謂

正矣故云正者不失下之直也劉炫云七年傳云正直為正正曲為直晉斷王朝之獄乃以下正上宣子

若在下而無直心何以謂之為正也勸宣子使心正矣

范宣子曰天子所右寡

君亦右之所左亦左之注宣子知伯與直不欲自專

故推之於王音義

右音又下同左音佐下同左右亦並如字

疏

正義曰人有左右右

便而左不便故以所助者為右不助者為左宣子知伯與直故從王之所助也

使王叔氏與

伯與合要注合要辭王叔氏不能舉其契注要契之

辭音義

契若計反注同

疏

正義曰周禮鄉士職云辯其獄訟異其死刑之罪而要之鄭玄云要

之為其罪辭如今劾矣彼謂官人畧取罪狀為其要約之辭如今斷事也漢世名斷獄為劾故云如今劾矣此言要辭亦是辭之要約如今辯答也合要者使其各為要約言語兩相辯答伯與辭直王叔無以應之故不能舉其要契之辭也

王叔奔晉不書不告也單靖公為卿

士以相王室注代王叔

經十有一年春王正月作三軍注增立中軍萬二千五

百人為軍疏

正義曰昭五年云舍中軍明此年作而彼年舍故知舊有二軍今增立中軍也然則

正是作中軍耳而云作三軍者傳言三子各毀其乘則舊時屬已之乘毀之以足成三軍是舊軍盡廢而全改作之故云作三軍也杜見其以二改三復據彼中軍之文故言增立中軍耳萬二千五百人為軍周禮夏官序文

夏四月四卜郊不從乃不郊注無傳疏

正義曰此四月四卜與僖三十

一年文同蓋亦三月三卜而四月又一卜也止言不郊不云免牲免牛蓋不以其體免直使歸其本牧而已故

不書也

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭注世子光至復在莒子之先故晉

悼亦進之音義

復扶疏又反

正義曰劉炫以為序莒上者直是先至非為先莒今知不然者

往年傳云齊大子光先至于師故長於滕是前經為先滕至序在滕子之上今經序在莒子之先明知亦先莒而至也若非先莒而至唯當還序滕子上耳劉炫無所依馮直云先至更長之而規杜氏非也

秋七月己未同盟于亳城北注亳城鄭地伐鄭而書同

盟鄭與盟可知音義

毫蒲洛反徐扶各反與音預

公至自伐鄭注無傳

楚子鄭伯伐宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭注晉遂尊光會于蕭魚注鄭服而諸侯會蕭魚鄭地

公至自會注無傳以會至者觀兵而不果侵伐疏

正義曰劉

炫云杜釋例自言事勢相接或以始致或以終致是時史異辭何為此注而云不果侵伐今知劉說非者凡云

或以始致或以終致皆據實有伐事今據傳文云觀兵于鄭東門是則實無伐事故云不果侵伐劉不達此意而規杜非也

楚人執鄭行人良霄注良霄公孫輒子伯有也音義

徐霄

消音

冬秦人伐晉

傳十一年春季武子將作三軍注魯本無中軍唯上

下二軍皆屬於公有事二卿更帥以征伐季氏欲專

其民人故假立中軍因以改作音義

庚更音

䟽

正義曰以昭五

年舍中軍知此時作者作中軍是魯本無中軍也以
閔元年晉侯作二軍謂之上軍下軍知魯有二軍亦
名上下軍也此言請為三軍各征其軍知徃前二軍
皆屬公也明其有事則二卿更互帥之以征伐耳三
卿不得專其民也此時襄公幼弱季氏世秉魯政因
公之少欲專其民故假立中軍因以改作也禮明堂
位云成王封周公於曲阜地方七百里其時必有三
軍也詩魯頌閔宮頌僖公能復周公之宇云公徒三
萬鄭玄云大國三軍合三萬七千五百人言三萬者
舉成數也則僖公復古制亦三軍矣蓋自文公以來
霸主之令軍多則貢事多自減為二軍耳非是魯衆
不滿三軍也若然昭五年舍中軍書之於經徃前若
減一軍亦應書之而經不書者作三軍與舍中軍皆
是變故改常卑弱公室季氏秉國權專擅改作故史
特書之耳若國家自量彊弱其軍或減或益國史不
須書也何則僖公復古始有三萬則以前無三萬矣

僖公作亦不書何怪舍不書也蘇氏亦云僖公之時實有三軍自文以後舍其一軍不書者非是故有所舍故不書蘇氏又云鄭注詩公徒三萬以為三軍鄭答臨碩之問云公徒三萬為二軍者鄭隨問而答當以詩箋為正蘇氏又云蒐于紅革車千乘所以今不滿三軍者以當時采地衆多公邑民少故不能滿三軍三子各毀其乘以足之與前解異也周禮小司徒云凡起徒役無過家一人是家出一人故鄉為一軍天子六軍出自六鄉則大國三軍出自三鄉其餘公邑采地之民不在三軍之數季武子今為三軍則異於是矣以魯國屬公之民皆分為三亦謂之三軍其軍之民不啻一萬二千五百家也何則魯國合竟之民屬公者豈唯有三萬七千五百家乎明其決不然矣由此言之此作三軍與禮之三軍名同而實異也春秋之世兵革遞興出軍多少量敵彊弱勅寇未息卒士盡行士卒之數無復定準成二年鞍之戰晉車

八百乘計有六萬人唯三卿帥之昭十三年平丘之會晉叔向云寡君有甲車四千乘在計四千士卒成二十四軍爾時晉國唯立三軍則甲車四千屬三軍耳其軍豈止一萬二千五百人乎昭八年魯蒐于紅傳稱革車千乘千乘之衆充三軍之數明知此分合竟之民以為三軍軍之所統其數異於禮也何休膏肓以為左氏說云尊公室休以為與舍中軍義同於義左氏為短鄭康成箴云左氏傳云作三軍三分公室各有其一謂三家始專兵甲卑公室云左氏說者尊公室失左氏意遠矣義符杜說也

告叔孫

穆子曰請為三軍各征其軍注征賦稅也三家各征

其軍之家屬音義

稅舒銳反

疏

正義曰周禮大司徒以土均之法制天下之地征王

制云市廛而不稅關譏而不征經典之文通謂賦稅為征故云征賦稅也往新民皆屬公公稅其民以分

賜羣臣今武子欲令民即屬己己所應得自稅取之
恐穆子不從故先言之請分國內之民以為三軍三
家各自征稅其軍之家屬冀望穆子亦便於己而從
其計也言軍之家屬者丁壯從軍者官無所稅其家
屬不入軍者乃稅之耳

穆子曰政將及子子必不能注政者霸

國之政令禮大國三軍魯次國而為大國之制貢賦

必重故憂不能堪疏

正義曰於時天子衰微政在霸主霸主量國大小責其貢賦若

不為三軍則是次國若作三軍則為大國大國之制
貢賦必重故云霸主重貢之政將及於子子必不能
堪之憂其不能堪之言三軍不可為也魯為三軍二
軍國之大小同耳但作三軍則自同大國自同大國
則霸主必依大國責其貢重也

武子固請之穆子曰然則盟諸注穆

子知季氏將復變易故盟之音義

復扶又反

乃盟諸僖閔

注僖宮之門音義

閔音宏

疏

正義曰釋宮云衙門謂之閔孫炎曰巷舍間道也李

巡曰閔巷頭門也以此知僖閔是僖公之廟門也

詛諸五父之衢注五父衢

道名在魯國東南詛以禍福之言相要音義

詛側慮反父音

甫衢其俱反要一遙反

正月作三軍三分公室而各有其一注

三分國民衆三子各毀其乘注壞其車乘分以足成

三軍音義

乘繩證反注及下並同壞音怪足將佳反亦如字

疏

正義曰往前民皆屬公國

家自有二軍若非征伐不屬三子故三子自以采邑之民以為己之私乘如子產出兵車十七乘之類是

其私家車乘也今既三分公室所分得者即是已有
不須更立私乘故三子各自毀壞舊時車乘部伍分
以足成三軍也壞者壞其部伍將領也
令使各自屬其軍不復立私乘故也
季氏使其乘

之人以其役邑入者無征注使軍乘之人率其邑役

入季氏者無公征不入者倍征注不入季氏者則使

公家倍征之設利病欲駢使入已故昭五年傳曰季

氏盡征之民辟倍征故盡屬季氏疏

正義曰其乘之人即所分得者

國內三分有一之人也役謂共官力役則今之丁也
邑謂賦稅若今之租調也以其役之與邑皆來入季
氏者則無公征也若不以入季氏者則使公家倍征
之當輸一而責其二也設利害以懼民毆之使入已

耳民畏倍征故盡歸季氏所分得者無一入公也知邑是賦稅者以言役邑入則役之與邑皆從民而入官也從民入官惟有力役與賦稅耳故知邑是賦稅也賦稅而謂之邑者賦稅所入若私邑然故以邑言之

孟氏使半為臣若子若弟注取其子弟之半也四分其乘之人以三歸公而取其一叔孫氏使盡為臣

注盡取子弟以其父兄歸公疏

正義曰昭五年傳追說此事云季氏盡征

之叔孫氏臣其子弟孟氏取其半焉叔孫氏臣其子弟不臣父兄謂取二分而二歸公也孟氏取其半又如叔孫所取其中更取其半又以半歸公謂取一分而三歸公也彼傳順序此文顛倒傳意以叔孫為主而先說孟氏言孟氏如叔孫所得使其半為己之臣叔孫所得子弟與弟也此孟氏若子若弟是子弟中課

取其一又分半以歸公也叔孫使子弟盡為己臣惟以父兄歸公耳

不然不舍注制軍

分民不如是則三家不舍其故而改作也此盖三家

盟詛之本言音義

舍音捨

疏

正義曰如上所分三家所得又各分為四季氏盡取

四分叔孫取二分而二分歸公孟氏取一分而三分歸公分國民以為十二三家得七公得五也舍謂舍故也制三軍分國民若不如是則三家不肯舍其故法而別改作也使盡為臣以上是序事之辭不然不舍一句是要契之語故云此盖三家盟詛之本言盟詛本言必應詳具但史家畧取其意而為之立文不復如本

○鄭人患晉楚之故諸大夫曰不從晉國幾

亡注幾近也音義

幾音機注同徐音幾

楚弱於晉晉不吾疾也

注疾急也晉疾楚將辟之何為而使晉師致死於我

注言當作何計楚弗敢敵而後可固與也注固與晉

也子展曰與宋為惡諸侯必至吾從之盟楚師至吾

又從之則晉怒甚矣晉能驟來楚將不能吾乃固與

晉大夫說之使疆場之司惡於宋注使守疆場之吏

侵犯宋音義

說音悅疆居良反注同場音亦注同

宋向戌侵鄭大獲子

展曰師而伐宋可矣若我伐宋諸侯之伐我必疾吾

乃聽命焉且告於楚楚師至吾又與之盟而重賂晉

師乃免矣注言如此乃免於晉楚之難

音義難乃夏旦反

鄭子展侵宋注欲以致諸侯○四月諸侯伐鄭己亥

齊太子光宋向戌先至于鄭門于東門注傳釋齊太

子光所以序莒上也向戌不書宋公在會故其莫晉

荀瑩至于西郊東侵舊許注許之舊國鄭新邑音義

莫音

疏

正義曰昭十二年傳楚子云我皇祖伯父昆吾舊許是宅鄭人貪賴其田而不我與是舊

許為鄭邑也謂之舊許明是許之舊國許南遷而鄭得之

衛孫林父侵其北鄙六

月諸侯會于北林師于向注向地在潁川長社縣東

北音義

向舒亮反

右還次于瑣注北行而西為右還滎陽

苑陵縣西有瑣侯亭音義

瑣素果反苑於阮反又於元反

圍鄭觀兵

于南門注觀示也西濟于濟隧注濟隧水名音義

濟隧

上子禮反下音遂

鄭人懼乃行成秋七月同盟于亳范宣子

曰不慎必失諸侯注慎敬威儀謹辭令諸侯道敝而

無成能無貳乎注數伐鄭皆罷於道路音義

數所角反罷音

皮

乃盟載書曰凡我同盟毋蒞年注蒞積年穀而不

分災音義

母音無下皆同蒞紆粉反

毋壅利注專山川之利音義

壅於勇反

毋保姦注藏罪人毋留慝注速去惡音義

慝他得反

下同去起呂反

救災恤禍亂同好惡獎王室注獎助也音

義

好惡並如字或讀上呼報反下惡路反獎將丈反

或間茲命司慎司盟名

山名川注二司天神音義

間間廁之間茲命本或作茲盟誤

疏

正義曰盟

告諸神而先稱二司知其是天神也觀禮諸侯觀于天子為宮方三百步壇十有二尋深四尺加方明於其上上方明者木也方四尺設六色青赤白黑玄黃設六玉圭璋琥璜璧琮公侯伯子男皆就其旂而立天子祀方明禮日月四瀆山川丘陵彼文雖不言盟其所陳設盟之禮也鄭玄云方明者上下四方神明之象也會同而盟明神監之則謂之天之司盟有象者猶宗廟之有主乎天子巡守之盟其神主曰諸侯之

盟其神主山川王官之伯會諸侯而盟其神主月是
言盟之所告告天神也鄭云神監之謂之司盟司盟
非一神也其司慎亦不知指斥何神但在山川之上
知其是天神耳名山山之有名者謂五嶽四鎮也名
川謂四瀆也

羣神羣祀注羣祀在祀典者先王先公注先

王諸侯之大祖宋祖帝乙鄭祖厲王之比也先公始

封君音義

大音泰凡大祖大廟大
宮皆放此比必利反

七姓十二國之祖

注七姓晉魯衛鄭曹滕姬姓邾小邾曹姓宋子姓齊

姜姓莒己姓杞姒姓薛任姓實十三國言十二誤也

音義

己音紀或音
杞任音壬

疏

正義曰十三國為七姓世本世
家文也姬即次曹意及則言不

以大小為次也實十三國而言十二服虔云晉主盟不自數知不然者案定四年祝佗稱踐土之盟云晉重魯申於是晉為盟主自在盟內何因晉今主盟乃不自數故知字誤也劉炫難服虔云案宣子恐失諸侯謹慎辭令告神要人身不自數已不在盟彼叛必速豈有如此理哉

明神殛之注殛

誅也音義

殛紀力反注同

俾失其民隊命亡氏踣其國家注

踣斃也音義

俾本又作卑必爾反隊直類反踣蒲北反徐又數豆反斃婢世反

○楚

子囊乞旅于秦注乞師旅於秦秦右大夫詹帥師從

楚子將以伐鄭鄭伯逆之丙子伐宋注鄭逆服故更

伐宋也秦師不書不與伐宋而還音義

詹之廉反與音預

○

九月諸侯悉師以復伐鄭注此夏諸侯皆復來故曰

悉師音義

復扶又反注同

鄭人使良霄大宰石臬如楚告將

服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之書

曰行人言使人也注書行人言非使人之罪古者兵交使在其間所以通命示整或執殺之皆以為譏也

既成而後告故書在蕭魚下石臬為介故不書音義

臬勅畧反攝如字又之涉疏

正義曰釋例曰使以行言言以接事信令之要

於是乎在舉不以怒則刑不濫刑不濫則兩國之情
得通兵有不交而解者皆行人之勲也是以雖飛矢
在上走驛在下及其末節不統大理遷怒肆忿快意
於行人譬諸豺狼求食而已傳曰鄭人使伯蠲行成
晉人殺之非禮也兵交使在其間可也故夫子特顯
行人之文行人有六而傳發其三者因良霄以顯其
稱行人之事因于徵師以示其非罪因叔孫婁以同
外內大夫則餘三人皆隨例而為義也諸以行人為
名通及外內以卿出使義取于非其罪也若濤塗寘
喜之屬罪在其身鄭叔詹魯行父之等以執政受罪
本非使出故不稱行人從實而書皆以罪之也鄭祭
仲之如宋也非會非聘與于見誘而以行人應命不
能死節挾偽以篡其君故經不稱行人以罪之也是
言罪之故不稱行人則稱行人者皆無罪也鄭人先
遣告楚乃從諸侯故傳在會先也經在會
後既成而後告執故書執在蕭魚會下

○諸侯之

師觀兵于鄭東門鄭人使王子伯駢行成甲戌晉趙

武入盟鄭伯冬十月丁亥鄭子展出盟晉侯注二盟

不書不告十二月戊寅會于蕭魚注經書秋史失之

疏

正義曰會于蕭魚經雖無月但會下有冬故以為會

在秋也傳言日月次第分明是經謬史官失之
也
庚辰赦鄭囚皆禮而歸之納斥侯注不相備也音

義

斥徐音尺一音昌夜反

禁侵掠晉侯使叔盱告于諸侯注叔

盱叔向也告諸侯亦使赦鄭囚音義

掠音亮盱許乙反向許丈反

公使臧孫紇對曰凡我同盟小國有罪大國致討苟

有以藉手鮮不赦宥寡君聞命矣注言晉討小國有

藉手之功則赦其罪人德義如是不敢不承命音義

藉在夜反注同鮮
息淺反宥音又

○鄭人賂晉侯以師悝師觸師蠲

注悝觸蠲皆樂師名音義

悝苦回反蠲古
玄反又音圭

疏

正義曰
樂師稱

師下稱賂以樂知此三人皆樂師悝觸蠲是其名也
服虔見下有鐘鐃磬即云三師鐘師鐃磬師謂悝能
鐘觸能鐃蠲能磬也然則鄭人以師茂師慧賂宋者
又能鐘乎能鐃乎三師必是能鐘磬者要不可即以
名次配
言之

廣車軌車淳十五乘甲兵備注廣車軌車皆

兵車名淳耦也音義

廣古曠反軌徒溫反淳述倫反
徐又之倫反乘繩證反下及注

同疏正義曰皆是兵車而別為之名蓋其形制殊用處異也鄭玄云廣車橫陳之車也服虔云輶車

屯守之車也或可因所用遂為名及其用之亦無常也射禮數射算二算為純一算為奇是淳為耦也

凡兵車百乘注他兵車及廣輶共百乘疏正義曰徧見服本皆

云淳十五乘則凡兵車百乘者更合言輶廣或輶廣之外別有百乘杜本淳十五乘更以他兵車七十乘增輶廣共為百乘耳知非輶廣之外更有百乘而云兼輶廣者以上既言廣車輶車下云凡兵車百乘言凡是總攝之辭故知總上輶廣也若然直言兵車百乘于理自足上別云廣車輶車者以廣車輶車甲兵備足自外之車甲兵不備又別有車名非輶廣也歌鐘二肆注肆列也縣鐘

十六為一肆二肆三十二枚音義肆音四疏正義曰以肆為

列者鐘磬皆編縣之在箕虞而各有行列也周禮小
胥云凡縣鐘磬半為堵全為肆鄭玄云鐘磬者編縣
之二八十六枚而在一虞謂之堵鐘一堵磬一堵謂
之肆半之者謂諸侯之卿大夫士也諸侯之卿大夫
半天子之卿大夫西縣鐘東縣磬士亦半天子之士
縣磬而已如鄭彼言鐘與磬全乃成為肆此傳於鐘
即言肆者十六枚而在一虞古今皆同其虞不可分
也虞不可分而云有全有半明如鄭言鐘磬相對肆
為全單為半此傳言歌鐘二肆則兼有磬矣若其無
磬不得成肆杜以傳惟云歌鐘故但解鐘數云三十
二枚其磬數亦同矣此二肆皆為編縣也下云及其
搏磬者搏是大鐘磬是大磬皆特縣之非編縣也據
鄭玄禮圖如此也言歌鐘者歌必先金奏故鐘以歌
名之晉語孔晁注云歌鐘鐘以節歌也劉炫云傳言
歌鐘二肆及其搏磬則搏磬亦二肆肆之為名實由
鐘磬相對但傳於磬下不復更言其數於鐘則言二

肆明鑄磬數與之同乃成肆若磬無二肆則半賜魏絳無磬矣安得有金石也知色別名三十二枚也歌必先云

及其鑄磬注鑄磬皆樂器音義

博鑄音

女樂二

八注十六人晉侯以樂之半賜魏絳曰子教寡人和諸戎狄以正諸華注在四年八年之中九合諸侯如樂之和注九合諸侯謂五年會戚又會城棣救陳七年會鄆八年會邢丘九年盟于戲十年會柎又伐鄭

戌虎牢十一年同盟亳城北又會蕭魚疏

正義曰服虔云八年

從四年以來至十一年也九合諸侯者五年會于戚一也其年又會于城棣救陳二也七年會于鄆三也

八年會于邢丘四也九年會于戲五也十年會于祖
六也又成鄭虎牢七也十一年同盟于亳城北八也
又會于蕭魚九也晉語說此事云於今八年七合諸
侯孔晁云不數救陳與成鄭虎牢餘為七也如樂之
和謂諸侯和同如無所不諧注諧亦和也請與子樂
樂之相應和也

之注共此樂音義

樂音洛一音岳注同

辭曰夫和戎狄國之福

也八年之中九合諸侯諸侯無慝君之靈也二三子

之勞也臣何力之有焉抑臣願君安其樂而思其終

也詩曰樂旨君子殿天子之邦注詩小雅也謂諸侯

有樂美之德可以鎮撫天子之邦殿鎮也音義

殿都反

注及下同

樂旨君子福祿攸同注攸所也便蕃左右亦是

帥從注便蕃數也言遠人相帥來服從便蕃然在左

右音義

蕃音煩注同數所角反

疏

正義曰詩小雅采芣之篇也旨美也言樂美之德君子以

有樂美之德可以鎮撫天子之邦國也以有樂美之德政故為福祿之所同歸也既能鎮邦國受福祿雖復疏遠之人便蕃然數來在其左右亦於是相帥而來從之也

夫樂以安德注和其

心也義以處之注處位以義禮以行之注行教令信

以守之注守所行仁以厲之注厲風俗而後可以殿

邦國同福祿來遠人所謂樂也注言五德皆備乃為

樂非但金石書曰居安思危注逸書思則有備有備
無患敢以此規注規正公公曰子之教敢不承命抑
微子寡人無以待戎注待遇接納不能濟河注渡河
南服鄭夫賞國之典也藏在盟府注司盟之府有賞

功之制疏

正義曰周禮司盟會同則掌其盟約之載既盟則貳之貳之者寫兩本盟書一埋盟

處一藏盟府也唯言會同之盟不掌功勲之事而得有賞功之制者僖五年傳曰虢仲虢叔為文王卿士勲在王室藏於盟府是司盟之府掌藏功勲典策故有賞功之制也不可廢也子其受

之魏絳於是乎始有金石之樂禮也注禮大夫有功

則賜樂疏

正義曰以魏絳蒙賜始有金石之樂知未賜不得有也賜之而云禮也知禮法得賜

之也周禮小胥云大夫判縣士特縣鄉飲酒禮云笙入堂下磬南北面鄉射禮云縣于洗東北西面喪大記云疾病君大夫徹縣是大夫得有鐘磬之樂有功乃賜之正禮也維言魏絳有金石之樂不言女樂女樂房中私宴之樂或不以賜之○秦庶長鮑庶長武帥師伐晉以救

鄭注庶長秦爵也不書救鄭已屬晉無所救音義

長丁

丈反下及注同鮑步卯反

鮑先入晉地士魴禦之少秦師而弗設

備壬午武濟自輔氏注從輔氏渡河音義

禦魚呂反後放此

與鮑交伐晉師己丑秦晉戰于櫟晉師敗績易秦故

也注不書敗績晉恥易秦而敗故不告也櫟晉地音

義

櫟力的反徐失灼反易以豉反

經十有二年春王三月莒人伐我東鄙圍台注琅邪費

縣南有台亭音義

台勅才反又音臺一音翼之反

季孫宿帥師救台遂

入鄆注鄆莒邑音義

鄆音運

夏晉侯使士魴來聘

秋九月吳子乘卒注五年會於戚公不與盟而赴以名

音義

與音預疏

正義曰劉炫云杜於五年注以為公及其盟還而不以盟告廟也今注云會於戚公

不與盟而赴以名何為兩注自相矛盾今知劉難非者以戚盟經既不書公之與否又傳無其事杜弘通其義故為兩解劉不尋杜旨而規其過非也

冬楚公子貞帥師侵宋

公如晉

傳十二年春莒人伐我東鄙圍台季武子救台遂入
鄆注乘勝入鄆報見伐取其鐘以為公盤○夏晉士
魴來聘且拜師注謝前年伐鄭師○秋吳子壽夢卒
注壽夢吳子之號臨於周廟禮也注周廟文王廟也

周公出文王故魯立其廟吳始通故曰禮音義

臨力
蔭反

下疏

正義曰杜以下文周廟尊於周公之廟知是文王廟也以鄭祖厲王立所出王廟知為周公出

文王故魯立其廟也哀二年蒯賁禱云敢昭告皇祖文王衛亦立文王廟也郊特牲曰諸侯不敢祖天子大夫不敢祖諸侯而公廟之設於私家非禮也而諸侯得立王廟者彼謂無功德非王命而輒自立之則為非禮魯衛有大功德王命立之是其正也鄭祖厲王亦然此是常禮特於吳子而傳發例者以吳始通公能體禮故

凡諸侯之喪異姓臨於外注於城外向

其國音義

向或作嚮
許亮反

疏

正義曰禮奔喪之記云哭父之黨於廟母妻之黨於寢師

於廟門外朋友於寢門外所識於野張帷此傳言同於外與彼於野同於城外向其國張帷而哭之耳

姓於宗廟注所出王之廟疏

正義曰此即周廟也但發大例意通古今故不

復斥言周耳其實於周之世亦周廟也異姓之國無所出王之廟者其哭同姓必不得同諸異姓亦當於

祖廟同宗於祖廟注始封君之廟同族於禰廟注父廟

也同族謂高祖以下音義

禰乃禮反

是故魯為諸姬臨於

周廟注諸姬同姓國音義

為于偽反下皆同

為邢凡蔣茅胙

祭臨於周公之廟注即祖廟也六國皆周公之支子

別封為國共祖周公音義

邢音刑蔣將丈反案富辰所稱邢在蔣下今傳在凡

上未知何者為是茅亡交反胙才故反祭側界反徐又如字

○冬楚子囊秦庶長

無地伐宋師于楊梁以報晉之取鄭也注取鄭在前

年梁國睢陽縣東有地名楊梁音義

長丁文反下同

○靈王

求后于齊齊侯問對於晏桓子桓子對曰先王之禮辭有之天子求后於諸侯諸侯對曰夫婦所生若而

人注不敢譽亦不敢毀故曰若而人音義

譽音餘又如字

妾

婦之子若而人注言非適也音義

適丁歷反

無女而有姊

妹及姑姊妹疏

正義曰釋親云父之姊妹曰姑樊光曰春秋傳云姑姊妹然則古人謂姑

為姑姊妹若父之姊為姑姊父之妹為姑姊妹列女傳梁有節妹妹入火而救兄子是謂父妹為姑妹妹也後

人從省故單稱為姑也古人稱祖父近世單稱祖亦此類也

則曰先守其公之遺

女若而人齊侯許昏王使陰里結之注陰里周大夫

結成也為十五年劉夏逆王后傳音義

守手又反夏戶雅反

○

公如晉朝且拜士魴之辱禮也注士魴聘在此年夏

嬖君臣不敵故曰禮也○秦嬴歸于楚注秦景公妹

為楚共王夫人音義

嬴音盈

楚司馬子庚聘于秦為夫

人寧禮也注子庚莊王子午也諸侯夫人父母既沒

歸寧使卿故曰禮疏

正義曰此事不見於經而傳自廣記備言以明禮之事耳楚共

王以成元年即位秦嬴歸楚盖應多年傳因子庚之聘發其歸楚非此年歸而即使歸寧案昭元年秦鍼奔晉傳云其母曰弗去懼選鍼則景公之弟昭元年其母猶在此注云父母既沒歸寧使卿者父母竝在則身自歸寧若父沒母存身不自歸則亦使卿寧也杜云父母既沒連言之耳

春秋左傳注疏卷三十一

春秋左氏傳注疏卷三十一考證

會吳于柤注柤楚地○

臣召南

按此時楚地恐尚不及

淮北若果係楚地晉宋諸國安得會吳于此乎杜云
楚地由後邈前之稱也後漢郡國志彭城國傳陽有
柤水即此柤也前志楚國傳陽故偃陽國是柤即近
偃陽之地既會于柤即滅偃陽耳傳陽故縣在今嶧
縣南柤即嶧縣泖口也

遂滅偃陽注今彭城傳陽縣也○傳監本訛作傳今改

正

公會晉侯宋公衛侯曹伯莒子邾子齊世子光滕子薛伯杞伯小邾子伐鄭疏言誓者明天子既命以為之嗣也○明監本訛作用今改正

傳耶人紇挾之以出門者○耶監本作聊注疏同

臣浩

按聊落蕭切耶側鳩切與鄒鄒同亦作陬取右偏旁卩置之左即陬也各本以字畫相似而誤今改正

傳魯有禘樂賓祭用之疏禘是禮之大者羣公不得與

同而於賓得同禘者賓者敬鄰國之賓故得用大祭之樂也○

臣召南

按賓者二字應是衍文

傳生秦丕茲○

臣召南

按丕茲即秦商也史記孔子弟

子傳秦商字子丕鄭康成曰子丕楚人家語七十二弟子解曰秦商魯人字不慈家語是也不字訛不茲字訛慈耳鄭以為楚人非也

傳楚子囊鄭子耳伐我西鄙○趙汭補注曰伐我無不書之理楚鄭志在圍蕭以退為進故史不書

傳王叔與伯與訟焉○趙汭曰傳見周衰至使晉大夫聽王卿士之訟

作三軍○萬斯大學春秋隨筆曰晉將中軍者稱元帥諸卿聽焉季宿心醉久矣魯向惟公室二軍有事則命卿分將季氏雖強權未盡屬忽作三軍名則三分將實則專領中軍使政權盡歸已也

會于蕭魚○程子曰晉悼公推至誠以待人自此鄭不背晉者二十四年劉敞曰鄭伯如會歟則宜以如會

書乞盟歟則宜以乞盟書今一皆沒之獨稱會何哉
美悼公之服鄭信義著于諸侯非一日之積也

傳季武子將作三軍疏勅寇未息○勅監本訛作就今
改正

傳政將及子子必不能○顧炎武日知錄曰言魯國之
政將歸于季孫以一軍之征而供霸國之政令將有
所不給則必改作其後四分公室季氏擇二蓋亦不
得已之計叔孫固已豫見之矣

傳其莫晉荀瑩至于西郊東侵舊許疏楚子云我皇祖
伯父昆吾舊許是宅○監本脫皇祖二字各本皆同
今以昭十二年傳原文添

傳楚子囊乞旅于秦○

臣浩

按他處俱云乞師惟此傳

言乞旅注亦未明言其故

傳臨於周廟禮也疏魯衛有大功德王命立之是其正

也○

臣召南

按諸侯不得祖天子自是正禮魯之有

周廟乃後人僭立託言王命所賜耳不得謂之正也

劉敞曰魯君僭而立周廟三家僭而立公廟左氏不知遂真謂禮豈不誤哉凡諸侯之喪異姓臨於外同姓於祖廟同宗於禰廟於義足矣此論甚確

傳靈王求后于齊注不敢譽亦不敢毀故曰若而人○而監本訛作如今改正

春秋左氏傳注疏卷三十一考證

謹按第七頁後七行疏是尤其從會行也刊本監
本毛本尤訛究據宋本改

第十八頁後五行疏故其字從於於者諸本於於
並訛作旌旗據宋本改

第二十五頁前二行疏惟有力役與賦稅耳刊本
有訛在據宋本改

第二十七頁後七行疏彼文雖不言盟諸本文訛
方據宋本改

第三十四頁後三行經春王三月諸本三訛二據

宋本改

第三十五頁前二行疏故為兩解刊本為訛謂今

改





覆校官檢討臣李學錦

校對官編修臣張秉愚

謄錄監生臣單勉中

欽定四庫全書薈要

經部

左傳注疏卷三十二

詳校官原任侍講臣王燕緒



欽定四庫全書薈要卷一千一百四十八

經部

春秋左傳注疏卷三十二

起襄公十三年盡十五年

晉杜氏注 唐陸德明音義 孔穎達疏

經十有三年春公至自晉

夏取郛注郛小國也任城亢父縣有郛亭傳例曰書取

言易也音義

郛音詩任音壬亢苦浪反又音剛父音甫易以豉反傳同

秋九月庚辰楚子審卒注共王也成二年大夫盟于蜀

冬城防

傳十三年春公至自晉孟獻子書勞于廟禮也注書

勲勞於策也桓二年傳曰公至自唐告於廟也凡公

行告於宗廟反行飲至舍爵策勲焉禮也桓十六年

傳又曰公至自伐鄭以飲至之禮也然則還告廟及

飲至及書勞三事偏行一禮則亦書至悉闕乃不書

至傳因獻子之事以發明凡例釋例詳之音義

舍如字又

音疏

正義曰其書勞與策勲一也周禮王功曰勲事功曰勞對則勲大而勞小故傳變文以包之注

云書勲勞於策明其不異也桓二年傳發凡例有告廟也飲至也策勲也桓十六年傳言飲至此年傳言

書勞二者各舉其一所以反覆凡例以此知三事偏行一禮則亦書至悉闕乃不書至耳所云偏行一禮謂偏行告至其飲至策勲則不可偏行也何則告廟因行飲至舍爵而即策勲策勲飲至竝行之于廟豈得不告至而在廟聚飲乎不告至而入廟書勞乎明其決不然矣但告至已後或飲至而不書勞或書勞而不飲至二事或有闕其一者傳因獻子書勞復言禮也所以發明凡例釋例曰公行或朝或會或盟或伐得禮失禮其事非一故傳隨而釋之於盟釋告廟嫌他例不通故復總云凡公行告至宗廟反行飲至舍爵策勲焉禮也此以明公之出竟當無不告及其反也則必飲至有功則策勲故公至自伐鄭傳重言以飲至之禮孟獻子書勞于廟傳復云禮所以反覆凡例也公朝於晉而獻子書勞知策勲非惟討伐之功雖或常行有以定國安民亦書功於廟也然則凡反行飲至必以嘉會昭告祖禰有功則舍爵策勲無

勞告事而已

○夏邦亂分為三注國分為三部志力各異

師救邦遂取之注魯師也經不稱師不滿二千五百

人傳通言之疏

正義曰莊八年師及齊師圍郕彼是大夫將滿師故稱師此亦大夫將所

將不滿二千五百人故直言取邦而不得言師也傳言師者師是衆人總名雖少亦通言之

凡書

取言易也注不用師徒及用師徒而不勞雖國亦曰

取疏

正義曰宣九年取根牟傳曰言易也成六年取鄆傳曰言易也昭四年取鄆傳曰言易也莒亂

著丘公立而不撫鄆鄆叛而來故曰取凡克邑不用師徒曰取與此四發取例傳皆云言易也取鄆之下

又發凡例云克邑不用師徒曰取者不用師徒即是易得之狀所以覆明凡例也若用而不勞則與不用

相似故杜云用而不勞亦曰取也凡例克邑郭乃是國知雖國亦曰取釋例曰取者乘其衰亂或受其潰叛或用少師而不煩兵勞力則直言取如取如攜言其易也傳四發取例者郭以師徒鄆叛而來根牟東夷郭附庸國名各不同故也郭為小國非邑非夷故以凡例附之

用大師焉曰滅注

敵人距戰斬獲俘馘用力難重雖邑亦曰滅音義

古馘

獲疏正義曰國大邑小嫌邑易國難滅取止見難易反疏不由國邑大小故注辨之上云易則雖國亦曰取此取郭郭是國也此言用力難重則雖邑亦曰滅僖二年虞師晉師滅下陽昭十三年吳滅州來皆邑而言滅

弗地曰入注謂勝其國邑不有其地疏

正義曰入

謂入其都邑制其民人當入之日與滅亦同但尋即去之不為已有故云勝其國邑不即有其土地如此

之類謂之為入國邑雙舉者國邑皆稱入也文十五年晉卻缺入蔡是入國也成七年吳入州來九年楚人入鄆是入邑也若然閔二年狄入衛哀八年宋公入曹二者傳皆言滅而經書入者釋例曰狄滅衛而書入者狄無文告衛之君臣死盡齊桓存之以告諸侯言狄已去不能有其土地也曹背晉而奸宋是以致討宋公既還而不忍褚師之詬怒而○荀瑩士魴反兵一舉滅曹滅非本志故以入告也

卒晉侯蒐于緜上以治兵注為將命軍帥也必蒐而

命之所以與衆共音義

為于偽反帥所類反

使士匄將中軍辭

曰伯游長注伯游荀偃音義

長丁反

昔臣習於知伯是

以佐之非能賢也注七年韓厥老知瑩代將中軍士

句佐之句今將讓故謂爾時之舉不以已賢事見九

年音義

見賢
遍反

請從伯游荀偃將中軍注代荀瑩士句

佐之注位如故使韓起將上軍辭以趙武又使欒黶

注以武位卑故不聽更命黶辭曰臣不如韓起韓起

願上趙武君其聽之使趙武將上軍注武自新軍超

四等代荀偃韓起佐之注位如故欒黶將下軍魏絳

佐之注黶亦如故絳自新軍佐超一等代士魴新軍

無帥注將佐皆遷音義

將子
匠反

晉侯難其人使其什吏

率其卒乘官屬以從於下軍禮也注得慎舉之禮音

義

難乃旦反或如字什音十卒子忽反乘繩證反疏正義曰什吏謂十人長

新軍將佐皆遷晉侯選賢未得難用其人使其軍內
 十人之長率其步卒車士與其新軍官屬軍尉司馬
 之類以從於下軍令下軍將佐兼領之得慎舉之禮
 也周禮夏官序云凡制軍萬有二千五百人為軍軍
 將皆命卿二千有五百人為師師帥皆中大夫五百
 人為旅旅帥皆下大夫百人為卒卒長皆上士二十
 五人為兩兩司馬皆中士五人為伍伍皆有長不言
 十人有長而此傳云什吏者夏官所云周禮之正法
 耳其量時制事未必盡然尚書牧誓有千夫長百夫
 長齊語管子設法五人為伍五十人為小戎二百人
 為卒二千人為旅萬人為軍吳語王孫雄設法百人
 為行十行一旌十旌一將軍引司馬法云十人之帥

執鈴百人之帥執鐸千人之帥執鼓萬人之將執大鼓三者數人置帥皆以什計之異於周禮則晉人為軍或十人置吏也

晉國之民是以大和諸侯遂睦君子曰讓禮之主也范宣子讓其下皆讓藥廩為汰弗敢違也

晉國以平數世賴之刑善也夫注刑法也音義

汰音泰數

所主反

夫音扶一人刑善百姓休和可不務乎書曰一人有

慶兆民賴之其寧惟永其是之謂乎注周書呂刑也

一人天子也寧安也永長也義取上有好善之慶則

下賴其福音義

休許蚪反
好呼報反

周之興也其詩曰儀刑文

王萬邦作孚注詩大雅言文王善用法故能為萬國

所信孚信也言刑善也疏

正義曰此大雅文王之篇儀善也刑法也孚信也善

用法者文王也言文王善用法故能為萬國所信言文王之法善也

及其衰也其詩曰

大夫不均我從事獨賢注詩小雅刺幽王役使不均

故從事者怨恨稱已之勞以為獨賢無讓心言不讓

也疏

正義曰詩小雅北山之篇刺幽王役使不均平被使之人自稱已之功勞我所以特從王事者

在上獨以我為賢自云已賢是不讓也

世之治也君子尚能而讓其下

注能者在下位則貴尚而讓之音義

治直吏反

小人農力

以事其上是以上下有禮而讒慝黜遠由不爭也謂

之懿德及其亂也君子稱其功以加小人注加陵也

君子在位者音義

慝他得反遠于萬反又如字爭鬪之爭

小人伐其技

以馮君子注馮亦陵也自稱其能為伐音義

技其綺反馮皮

冰反是以上下無禮亂虐竝生由爭善也注爭自善也

謂之昏德國家之敝恒必由之注傳言晉之所以興

○楚子疾告大夫曰不穀不德少主社稷生十年而

喪先君未及習師保之教訓而應受多福注多福謂

為君音義

少詩照反喪息浪反

是以不德而亡師于鄆注鄆在

成十六年音義

鄆音偃

以辱社稷為大夫憂其弘多矣

注弘大也若以大夫之靈獲保首領以歿於地唯是

春秋窀穸之事注窀厚也穸夜也厚夜猶長夜春秋

謂祭祀長夜謂葬埋音義

歿音沒窀張倫反又徒門反穸音夕

疏

正義曰晉

語云窀厚也說文云夕暮也從月半見夜字從夕知是以夕為夜也厚長意同故厚夜猶長夜也孝經云春秋祭祀以時思之故春秋謂祭祀也長夜者言夜不復明死不復生故長夜謂葬埋也以其事施於葬故今字皆從宀王意自賤祭所以從先君於禰廟者之與葬皆不敢從先君之禮

注從先君代為禰廟疏

正義曰祭法云諸侯立五廟曰考廟王考廟皇考廟顯考

廟祖考廟此云禰廟即彼考廟也曲禮云生曰父死曰考考成也言有成德也禰近也於諸廟父最為近也禮三年之喪畢則以遷新主入廟是從先君代為禰廟也計昭穆之次昭次入昭廟穆次入穆廟皆代為祖廟而言代為禰廟者是從先君之近也請為靈若厲注欲受惡諡以

歸先君也亂而不損曰靈戮殺不辜曰厲大夫擇焉

莫對及五命乃許秋楚共王卒子囊謀諡大夫曰君有命矣子囊曰君命以共若之何毀之赫赫楚國而君臨之撫有蠻夷奄征南海以屬諸夏而知其過可

不謂共乎請諡之共大夫從之注傳言子囊之善音

義

共音恭下同
夏戶雅反

○吳侵楚養由基奔命子庚以師繼

之注子庚楚司馬養叔曰吳乘我喪謂我不能師也

注養叔養由基也必易我而不戒注戒備也音義

易以

鼓反

子為三覆以待我注覆伏兵音義

覆扶又反

我請誘之

子庚從之戰于庸浦注庸浦楚地音義

浦判五反

大敗吳

師獲公子黨君子以吳為不弔注不用天道相弔恤

詩曰不弔昊天亂靡有定注言不為昊天所恤則致

罪也為明年會向傳音義

吳胡老反

疏

正義曰詩小雅南山之篇

○冬

城防書事時也注土功雖有常節通以事間為時疏

正義曰莊二十九年傳例曰凡土功龍見而畢務戒事也火見而致用水昏正而裁是土功之常節也本設此節以為農事既間故得用力於土功今此冬城防經傳皆不言月當在火見致用之前當時農收差早雖天象未至而民事已間故云土功雖有常節通以事間為時言時節未是時而事以得時故言書事時也釋例曰冬城防臧武仲請畢農事故傳曰書事時也此作出火見致用之前亦得兼以事時而禮之

於是將早城臧武仲請俟畢農事禮也○鄭良霄太

宰石臬猶在楚注十一年楚人執之至今石臬言於

子囊曰先王卜征五年注先征五年而卜吉凶也征

謂巡守征行音義

先征悉薦反守手又反注同

疏

正義曰先征五年而卜其吉凶

也者以謂征前五年而預卜之也征訓行也先王之
行謹敬之至況禮之大者大禮遠行莫過巡守故知
征謂巡守征行之禮文也傳言卜征五年未知何代
之禮案尚書舜時五載一巡守孔安國云堯舜同道
舜攝則然堯又可知矣周官又云十有二歲王巡守
殷國王制云天子五年一巡守傳云天子以海內為
家時一巡省之五年者虞夏之制周則十二歲一巡
守如孔鄭之言唐虞及夏皆五年一巡守是卜征五
年虞夏法也在周之世而遠陳虞夏法者蓋重古而
言之或周之巡守不必十二年也周十二年一巡守
者歲星天一周也虞夏五年一巡者五行遞主而徧也
而歲習其祥祥習則行

注五年習卜皆同吉乃巡狩疏

正義曰禮記云卜筮不相襲鄭玄云襲因

也釋詁云祥善也習其祥謂去年吉今年又吉也善因則行謂五年五吉歲歲因襲則先王然後行巡守也傳稱卜不習吉而得五年吉者彼不習吉謂不可一時重吉此則每年一卜非相習也不習則

增修德而改卜注不習謂卜不吉音義

不習則增絕句一本無增

字則連下疏

正義曰其曰不習者是謂不習吉也脩德改行以六年為始又得五吉乃行也

今楚實不競行人何罪注不能修德與晉競止鄭一

卿以除其偏注一卿謂良霄使睦而疾楚以固於晉

焉用之注位不偏則大臣睦怨疾楚則事晉固音義

馬用之本或作將疏正義曰貴者多則勢相偏今止
馬用之焉於虔反疏鄭一卿於楚以除其國內相偏
之患不偏則大臣和睦使鄭在家之人和睦而疾使
楚以堅事於晉焉用之何須用此良霄留之於楚使

歸而廢其使注行而見執於楚鄭又遂堅事晉是鄭

廢本見使之意音義

其使所吏反注同

怨其君以疾其大夫

而相牽引也不猶愈乎楚人歸之疏

正義曰往者鄭使良霄向楚其

意欲使楚執良霄鄭得堅事晉國是鄭本遣良霄其意如此今若放良霄使歸於鄭則鄭不得堅事晉國是廢其本使之意蘇氏之說亦然也良霄被執久留在楚今若歸之則怨恨其君以憎疾其大夫而相牽引令鄭國大臣不和則事晉之心不固不猶少差乎方言云病差謂之愈後年注以愈為差此亦當為差

也服虔云愈猶病愈是愈為差之義也鄭玄論語注云愈猶勝也

經十有四年春王正月季孫宿叔老會晉士匄齊人宋人衛人鄭公孫蠆曹人莒人邾人滕人薛人杞人小邾人會吳于向注叔老聲伯子也魯使二卿會晉敬事霸國晉人自是輕魯幣而益敬其使故叔老雖介亦列於會也齊崔杼宋華閱衛北宮括在會情慢不攝故貶稱人蓋欲以督率諸侯獎成霸功也吳來在向諸侯會之

故曰會吳向鄭地音義

其使所吏反介音界情徒臥反疏正義曰叔老

孫故以叔為氏也卿出聘使及盟會皆以大夫為介禮之常也此會魯使季孫宿與叔老二卿會晉敬事霸國故以卿為介於例唯征戰重兵詳內畧外魯師出征伐則諸將竝書其聘與會唯書使主其介不合書也晉人自是輕魯幣而益敬其使叔老雖則為介而晉為盟主亦列之於會魯人以其竝列於會故竝書之也傳稱宋華閱猶尚被貶仲江固不在列若二卿竝敬其事俱得列會亦當竝書於策何則盟主列之於會魯史無容畧之也故傳言崔杼華閱會伐秦不書情也向之會亦如之北宮括不書於向書於伐秦攝也是齊宋衛三國之卿於此會也情慢不自整攝故貶稱人罪其身故去名氏猶序鄭卿之上從其大小舊次也在會情慢未是大尤即加貶責者此是仲尼新意蓋欲督率諸侯獎成晉悼霸功故也以吳來在向諸侯就向會之故不序吳於列而云會吳于向與鍾離善道同也

二月乙未朔日有食之注無傳

夏四月叔孫豹會晉荀偃齊人宋人衛北宮括鄭公孫
薑曹人莒人邾人滕人薛人杞人小邾人伐秦注齊宋
大夫不書義與向同

己未衛侯出奔齊注諸侯之策書孫甯逐衛侯春秋以
其自取奔亡之禍故諸侯失國者皆不書逐君之賊也

不書名從告疏

正義曰二十年甯子疾召悼子曰諸侯之策云云甯殖自為此言明知諸國策

書皆云孫林父甯殖逐衛侯不言衛侯自出奔也仲尼修春秋以其自取奔亡之禍故諸侯失國者皆是被臣

逐之悉非其君自出仲尼尤其不能自安皆不書逐君之賊所以責其君也北燕伯款出奔齊蔡侯朱出奔楚並書名此不書名從告也釋例曰諸侯奔亡皆迫逐而苟免非自出也傳稱孫林父甯殖出其君名在諸侯之策此以臣名赴告之文也仲尼之經更沒逐者之名主以自奔為文責其君不能自安自固所犯非徒所逐之臣也衛赴不以名而燕赴以名各隨赴而書之義在於彼不在此也杜言在彼不在此者義在自出為罪不在名與不名以其失國已足罪賤不假復以名責故史記隨赴而書仲尼依舊為定也曲禮云諸侯失地名滅同姓名記之所言當據春秋為義滅同姓名春秋既依用之則失地書名亦是大例而杜云名與不名無義例者案經書衛侯燬滅邢傳云同姓也故名其言與記符同左氏本有此例也失地書名則傳無其事且記言失地者謂國被人奪非棄位出奔者也州公如曹紀侯大去皆是失地之君經不書名亦不發傳知失地之君不以

名為貶也穀伯綏鄧侯吾離來朝公羊傳皆云何以名失地之君也則禮記之文或據公羊之義不可通於左氏故杜不為此說

莒人侵我東鄙注無傳報入鄆

秋楚公子貞帥師伐吳

冬季孫宿會晉士匄宋華閱衛孫林父鄭公孫薑莒人邾人于戚

傳十四年春吳告敗于晉注前年為楚所敗會于向

為吳謀楚故也注謀為吳伐楚音義

為于偽反注為吳卒不為同

范宣子數吳之不德也以退吳人注吳伐楚喪故以

為不德數而遣之卒不為伐楚執莒公子務婁注在

會不書非卿音義

務莫侯反又音如字婁力侯反或力俱反

以其通楚使

也注莒貳於楚故比年伐魯音義

使所吏反

將執戎子駒

支注駒支戎子名范宣子親數諸朝注行之所在亦

設朝位曰來姜戎氏昔秦人迫逐乃祖吾離于瓜州

注四嶽之後皆姜姓又別為允姓瓜州地在今燉煌

音義

迫音百瓜古華反燉徒門反煌音皇

疏

正義曰周語稱堯遭洪水使禹治之共之從孫四嶽

佐之胙四嶽國命為侯伯賜姓曰姜賈逵云共共工也從孫同姓末嗣之孫四嶽官名大嶽也主四嶽之祭焉姜炎帝之姓其後變易至於四嶽帝復賜之祖姓以紹炎帝之後是四嶽為姜姓也下傳云謂我諸戎四嶽之裔胄是姜戎為四嶽之後姜姓故稱姜戎也昭九年傳云先王居檇杌于四裔故允姓之姦居于瓜州伯父惠公歸自秦而誘以來同說此事而云允姓知姜姓之後又別為允姓也其姜姓是帝堯所賜允姓不知誰賜之也周語云胙四嶽國為侯伯謂為諸侯之長下注云四嶽堯時方伯據彼文而知之

乃祖吾離被苦蓋注蓋苦之別名音義

被普支反苦式占反蓋戶

獵反爾雅曰疏

正義曰釋器云白蓋謂之苦孫炎曰白蓋謂之苦

東呼為蓋被苦蓋言無布帛可衣唯衣草也蒙荆棘言無道路可從冒榛藪也說其窮困之極耳蒙

荆棘以來歸我先君注蒙冒也音義冒莫報反我先君惠

公有不腆之田注腆厚也音義腆他典反與女剖分而食

之注中分為剖音義女音汝下同剖普口反中丁仲反又如字今諸侯之

事我寡君不如昔者蓋言語漏洩則職女之由注職

主也音義洩息列反徐音以世反詰朝之事爾無與焉注詰朝

明旦不使復得與會事音義詰起吉反朝如字注同與音預注及下同復扶

又反與將執女對曰昔秦人負恃其衆貪于土地逐我

諸戎惠公蠲其大德注蠲明也疏正義曰僖二十二年傳云秦晉遷陸

渾之戎于伊川則秦晉共遷之也昭九年傳云惠公
歸自秦而誘以來又似晉侯獨誘之也此云秦人逐
之惠公與田乃是被秦逐而自歸晉也三文不同者
此戎本處瓜州明遠在秦之西北秦貪其土晉貪其
人二國共誘而使遷僖傳是其實也昭傳王專責晉
故指言晉耳此傳宣子施思於戎故言被逐歸晉駒
支順宣子之言故云秦貪土地逐我諸戎秦本貪其
土地而遷之也謂我諸戎是四嶽之裔胄也注四嶽堯
時方伯姜姓也裔遠也胄後也

音義

裔以制反
胄直又反

毋是翦棄注翦削也音義

毋音無

賜我

南鄙之田狐狸所居豺狼所嗥我諸戎除翦其荆棘
驅其狐狸豺狼以為先君不侵不叛之臣至于今不

貳注不內侵亦不外叛音義

狸力之反又作狸同
豺仕皆反隼戶羔反

昔

文公與秦伐鄭秦人竊與鄭盟而舍戍焉注在僖三

十年於是乎有殺之師注在僖三十三年音義

殺尸
交反

晉禦其上戎亢其下注亢猶當也音義

亢苦
浪反

秦師不

復我諸戎實然譬如捕鹿晉人角之諸戎掎之注掎

其足也音義

捕音步徐又音
賦掎居綺反

與晉踣之注踣僵也音

義

踣蒲北反又蒲
豆反僵居良反

疏

正義曰角之謂執其角也掎之
言戾其足也前覆謂之踣言與

晉共
倒之

戎何以不免自是以來晉之百役與我諸戎相

繼于時注言給晉役不曠時以從執政猶殽志也注

意常如殽無中二也豈敢離邊今官之師旅無乃實

有所闕以攜諸侯而罪我諸戎我諸戎飲食衣服不

與華同贄幣不通言語不達何惡之能為不與於會

亦無曹焉注曹悶也音義

過他歷反贄音至不與音預曹莫贈反徐又武登反

一音武

忠反賦青蠅而退注青蠅詩小雅取其愷悌君子

無信讒言音義

蠅以仍反愷開在反悌徒禮反下文及注同

宣子辭焉注

辭謝使即事於會成愷悌也注成愷悌不信讒也不

書者戎為晉屬不得特達於是子叔齊子為季武子介以會自是晉人輕魯幣而益敬其使注齊子叔老

字也言晉敬魯使經所以竝書二卿音義

介音界使所吏反注

同

○吳子諸樊既除喪注諸樊吳子乘之長子也乘

卒至此春十七月既葬而除喪音義

長丁丈反

將立季札

注札諸樊少弟音義

札則八反少詩照反

季札辭曰曹宣公之

卒也諸侯與曹人不義曹君注曹君公子負芻也殺

太子而自立事在成十三年將立子臧子臧去之遂

弗為也以成曹君君子曰能守節君義嗣也注諸樊

適子故曰義嗣音義

適丁歷反

誰敢奸君有國非吾節也

札雖不才願附於子臧以無失節固立之棄其室而

耕乃舍之注傳言季札之讓且明吳兄弟相傳音義

奸音干傳直專反

○夏諸侯之大夫從晉侯伐秦以報櫟之

役也注櫟役在十一年晉侯待于竟使六卿帥諸侯

之師以進注言經所以不稱晉侯音義

竟音境

及涇不

濟注諸侯之師不肯渡也涇水出安定朝那縣至京

兆高陸縣入渭音義

朝如字如淳音株那乃多反

叔向見叔孫穆

子穆子賦匏有苦葉注詩邶風也義取於深則厲淺

則揭言已志在於必濟音義

匏白交反揭起例反疏正義曰此

匏有苦葉濟有深涉深則厲淺則揭釋水全引下三句而釋之云揭者揭衣也以衣涉水為厲繇膝以下為揭繇膝以上為涉繇帶以上為厲李巡云濟渡也水深則厲水淺則揭衣渡也不解衣而渡水曰厲孫炎曰揭褰衣裳也以衣涉水濡褌也詩意言遇水深淺期之必渡穆子賦此詩言已志在於必濟也魯語云叔向見叔孫穆子穆子曰豹之業在匏有苦葉矣叔向退召舟虞與司馬曰夫苦匏不材於人共濟而已魯叔孫賦匏有苦葉必將涉矣彼叔向之意取匏有苦葉為義此注取深厲淺揭為義者穆子止賦此

詩不言所取之意未必叔向曲得其情杜以厲揭
為義切於取匏有苦葉故不從國語而別為此解叔

向退而具舟魯人莒人先濟鄭子蟜見衛北宮懿子

曰與人而不固取惡莫甚焉若社稷何懿子說二子

見諸侯之師而勸之濟濟涇而次注傳言北宮括所

以書於伐秦音義

說音悅

秦人毒涇上流師人多死注

飲毒水故鄭司馬子蟜帥鄭師以進師皆從之至于

械林注械林秦地音義

械位逼反徐于目反一音於鞠反

不獲成焉

注秦不服疏

正義曰此役止為報櫟之敗非欲求與秦成而云不獲成者凡興師伐國彼若

服罪謝過即當相與和平故注解其意不獲成焉者
止謂秦不服也服虔云不得成戰陳之事案傳諸伐
國者皆服之而已不是皆成戰陳
之事此何以獨云不獲成戰也

荀偃令曰雞鳴而

駕塞井夷竈注示不反唯余馬首是瞻注言進退從

已藥廐曰晉國之命未是有也余馬首欲東乃歸注

廐惡偃自專故棄之歸音義

惡烏路反

下軍從之左史謂

魏莊子曰不待中行伯乎注中行伯荀偃也莊子魏

絳也左史晉大夫莊子曰夫子命從帥注夫子謂荀

偃音義

帥所類反下及注皆同

藥伯吾帥也吾將從之從帥所

以待夫子也注以從命為待也欒黶下軍帥莊子為

佐故曰吾帥伯游曰吾令實過悔之何及多遺秦禽

注軍帥不和恐多為秦所禽獲音義遺唯季反乃命大還

晉人謂之遷延之役注遷延却退欒鍼曰此役也報

櫟之敗也役又無功晉之恥也吾有二位於戎路注

欒鍼欒黶弟也二位謂黶將下軍鍼為戎右敢不恥

乎與士鞅馳秦師死焉士鞅反注鞅士勾子欒黶謂
士勾曰余弟不欲往而子召之余弟死而子來是而

子殺余之弟也弗逐余亦將殺之士鞅奔秦注藥厲

汰侈誣逐士鞅也而女也音義

侈昌氏反本或作參又尺氏反女音汝

疏

正義曰藥鍼自以家有二位恥其無功與士鞅共馳秦師非鞅召之是誣逐士鞅也

於是齊

崔杼宋華閱仲江會伐秦不書情也注臨事情慢不

脩也仲江宋公孫師之子向之會亦如之衛北宮括

不書於向注亦情書於伐秦攝也注能自攝整從鄭

子蟜俱濟涇秦伯問於士鞅曰晉大夫其誰先亡對

曰其藥氏乎秦伯曰以其汰乎對曰然藥厲汰虐已

甚猶可以免其在盈乎注盈廩之子秦伯曰何故對
曰武子之德在民如周人之思召公焉愛其甘棠況
其子乎注武子藥書廩之父也召公奭聽訟於甘棠
之下周人思之不害其樹而作勿伐之詩在召南音

義

召上照反注
同奭詩亦反

藥廩死盈之善未能及人武子所施

沒矣而廩之怨實章將於是乎在秦伯以為知言為
之請於晉而復之注為傳二十一年晉滅欒氏張本

音義

施如字又始豉
反為之于偽反

○衛獻公戒孫文子甯惠子食

注勅戒二子欲共宴食疏

正義曰君之於臣有禮食宴食儀禮公食大夫禮者

主國之君食聘賓之禮也其食已之大夫亦當放之而迎送答拜之儀有差降耳曲禮云凡進食之禮左穀右載鄭玄云此大夫士與賓客燕食之禮其禮食則宜放公食大夫禮也如鄭之言大夫與客禮食尚放公食大夫禮明知國君與臣禮食亦當放之公食大夫之禮其禮甚大衛侯雖則無道不應與臣禮食而得棄之射鴻知是公自勅戒二子欲共為宴食宴食者閒燕無事召臣與之共食耳

皆服而

朝注服朝服待命於朝疏

正義曰言服而朝明朝服也諸侯每日視朝其君與

臣皆服玄冠緇布衣素積以為裳禮通謂此服為朝服宴食雖非大禮要是以禮見君故服朝服公食大夫之禮賓朝服則臣於君雖非禮食亦當服朝服也

日盱不召注盱晏也音義

肝古旦反

而射鴻於圃二子從之注從公於圃音義

射食亦反

又圃音

不釋皮冠而與之言注皮冠田獵之冠也既不

釋冠又不與食疏

正義曰此公射鴻於圃而冠皮冠明皮冠是田獵之冠也且虞人掌

獵昭二十年傳曰皮冠以招虞人又十二年傳言兩

雪楚子皮冠以出出田獵也是諸侯之禮皮冠以田

獵周禮司服云凡甸冠弁服鄭玄云甸田獵也冠弁

委貌也其服緇布衣素積以為裳是服諸侯視朝之

服也彼天子之禮故以諸侯朝服而田異於此也昭

十二年傳又云右尹子革夕王見之去皮冠杜云敬

大臣是君敬大臣宜釋皮冠既不

釋皮冠又不與食二子所以怒也二子怒孫文子如

戚注戚孫文子邑孫蒯入使注孫蒯孫文子之子音

義

使所吏反
又如字

公飲之酒使大師歌巧言之卒章注巧

言詩小雅其卒章曰彼何人斯居河之麋無拳無勇

職為亂階戚衛河上邑公欲以喻文子居河上而為

亂大師掌樂大夫音義

飲於引反麋亡悲
反或作涓拳音權

大師辭師

曹請為之注辭以為不可師曹樂人初公有嬖妾使

師曹誨之琴注誨教也音義

嬖必計反

師曹鞭之公怒鞭

師曹三百故師曹欲歌之以怒孫子以報公公使歌

之遂誦之注恐孫蒯不解故音義

解音蟹

蒯懼告文子

文子曰君忌我矣弗先必死注欲先公作亂音義欲先

息薦反

并帑於戚注帑子也音義

并必政反帑音奴

疏

正義曰孫子衛

朝大臣食邑於戚其子先分兩處將欲作亂慮禍及其子故令并帑處於戚

而入見蘧伯

玉曰君之暴虐子所知也大懼社稷之傾覆將若之

何注伯玉蘧瑗音義

蘧其居反覆芳服反瑗于眷反

對曰君制其國

臣敢奸之注奸猶犯也雖奸之庸知愈乎注言逐君

更立未知當差否音義

愈羊主反愈差也差初賣反

遂行從近關

出注懼難作欲速出竟音義

難乃旦反竟音境下文皆同

疏

正義曰聘

禮及竟謁關人鄭玄云古者竟上為關以譏異服識異言又周禮司關注云關界上之門也衛都不當竟中其界有遠有近欲速出竟故從近關出也

公使子蟜子伯子皮與孫子

盟于丘宮孫子皆殺之注三子衛羣公子疑孫子故

盟之丘宮近戚地音義

蟜古表反近附近之近

四月己未子展

奔齊注子展衛獻公弟公如鄆注鄆衛地音義

鄆音絹

使子行於孫子孫子又殺之注使往請和也子行羣

公子公出奔齊孫氏追之敗公徒于阿澤注濟北東

阿縣西南有大澤鄆人執之注公徒因敗散還故為

公執之音義

為于偽反下
為孫氏同

疏

正義曰服虔云執追公
徒者公如鄆故鄆人為

公執之計孫氏追公徒衆必盛鄆人為公可言與之
戰耳不得言執之也且文承敗公徒下豈敗公徒之
後乃執之乎下文方說二子追公豈復是鄆人執二
子也故杜以為公徒因敗而散亡鄆人為公執散走
者
初尹公佗學射於庾公差庾公差學射於公孫丁

二子追公注二子佗與差為孫氏逐公音義

佗徒何
反差初

佳反徐
初宜反

公孫丁御公注為公御也子魚曰射為背師

不射為戮射為禮乎注子魚庾公差禮射不求中音

義

射食亦反下及注除禮射一字皆同或一
讀射而禮乎食夜反背音佩中丁仲反

射兩鞬

而還注軻車輓卷者音義

軻其俱反徐又古豆反輓於革反卷音權又起權反

尹公佗曰子為師我則遠矣乃反之注佗不從丁學故言遠始與公差俱退悔而獨還射丁公孫丁授公

轡而射之貫臂注貫佗臂音義

貫古亂反一音官注同

疏

正義曰孟

子云鄭人使子濯孺子侵衛衛使庾公之斯追之子濯孺子疾作庾公之斯至曰夫子何為不執弓曰今日我疾作不可以執弓庾公之斯曰小子學射於尹公之佗尹公之佗學射於夫子我不忍以夫子之道反害夫子雖然今日之事君事也我不敢廢抽矢叩輪去其金發乘矢而後反其姓名與此畧同行義與此正反不應一人之身有此二行孟子辨士之說或當假為之辭此傳應是實也注正義曰說文云軻車

輓下曲者服虔云車輓兩邊义馬頸者

子鮮從公注子鮮公母弟及竟

公使祝宗告亡且告無罪注告宗廟定姜曰無神何

告若有不可誣也注誣欺也定姜公適母音義

適丁歷反

有罪若何告無舍大臣而與小臣謀一罪也先君有

冢卿以為師保而蔑之二罪也注謂不釋皮冠之比

音義

舍音捨必二反

余以巾櫛事先君而暴妾使余三罪

也告亡而已無告無罪注時姜在國故不使得告無

罪音義

櫛側乙反

疏

正義曰言暴虐使余如妾

公使厚成叔弔于衛曰

寡君使瘠聞君不撫社稷而越在他竟注越遠也瘠

厚成叔名音義

厚本或作邱音同弔于衛本或作弔于衛侯侯衍字也瘠在亦反

若

之何不弔以同盟之故使瘠敢私於執事注執事衛

諸大夫曰有君不弔注弔恤也有臣不敏注敏達也

疏

正義曰不敏不達於禮也

君不赦宥臣亦不帥職增淫發洩其

若之何衛人使大叔儀對曰注大叔儀衛大夫音義

洩息列反大音泰

羣臣不佞得罪於寡君寡君不以即刑而

悼棄之以為君憂君不忘先君之好辱弔羣臣又重

恤之注重恤謂愍其不達也音義

好呼報反重直用反注及下同

敢

拜君命之尊重拜大貶注謝重恤之賜厚孫歸復命

語臧武仲曰衛君其必歸乎有大叔儀以守注守於

國音義

語魚據反守手又反

有母弟鱣以出或撫其內或營其

外能無歸乎齊人以邾寄衛侯注邾齊所滅邾國音

義

鱣徐布齋反又音專邾音來

及其復也以邾糧歸注言其貪右

宰穀從而逃歸衛人將殺之注穀衛大夫也以其從

君故欲殺之音義

從才用反又如字注同

辭曰余不說初矣注

言初從君非說之不獲已耳音義

說音悅注及下同

疏

正義曰言

余之不說於君初即然矣不得已而從之出耳非是愛君而從在道始悔而反也

余狐裘而

羔袖注言

一身盡善唯少有惡喻已雖從君出其罪

不多音義

袖本又作褒在又反

疏

正義曰玉藻云君衣狐白裘錦衣以裼之又曰錦衣狐裘

諸侯之服也是裘之用皮狐貴於羔也

乃赦之衛人立公孫剽注剽穆

公孫音義

剽匹妙反一音甫遙反字林父召反

孫林父甯殖相之以聽

命於諸侯注聽盟會之命音義

相息亮反

衛侯在邾臧紇

如齊唁衛侯與之言虐退而告其人曰衛侯其不得

入矣其言糞土也亡而不變何以復國注武仲不書

未為卿音義

咍魚變反徐作咍音咍
弔失國曰咍糞方問反

子展子鮮聞之

見臧紇與之言道注順道理臧孫說謂其人曰衛君

必入夫二子者或輓之或推之欲無入得乎注為二

十六年衛侯歸傳音義

輓音晚推如
字又他回反

○師歸自伐秦

晉侯舍新軍禮也成國不過半天子之軍注成國大

國音義

舍音捨下
及注同

疏

正義曰周禮大宗伯以九儀之
命正邦國之位五命賜則七命

賜國鄭玄云則地未成國之名王之下大夫四命出
封加一等五命賜之以方百里二百里三百里之地

者方四百里以上為成國如鄭之言成國者唯公與侯耳伯雖與侯同命地方三百里未得為成國也成國乃得半天子之軍未成則不得也夏官序云大國三軍次國二軍小國一軍當以公侯為大國伯為次國子男為小國也諸侯五等唯有三等之命伯之命數可以同於侯其軍則計地大小故伯國之軍不得同於侯也此據禮正法耳春秋

周為六軍諸侯之大

者三軍可也於是知朔生盈而死注朔知瑩之長子

盈朔弟也盈生而朔死音義

知音智長
丁丈反

盈生六年而

武子卒穉表亦幼皆未可立也新軍無帥故舍之注

表士魴子也十三年荀瑩士魴卒其子皆幼未任為

卿故新軍無帥遂舍之音義

義直例反帥所類反注同任音壬

○師

曠侍於晉侯注師曠晉樂大師子野晉侯曰衛人出其君不亦甚乎對曰或者其君實甚良君將賞善而刑淫養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎夫君神之主也民之望也若困民之主匱神乏祀百姓絕望社稷無主將安用之弗去何為天生民而立之君使司牧之勿使失性有君而為之貳注貳

卿佐音義

出如字徐音黠仰本亦作印音仰霆徒丁反又音挺本又作電匱其位反乏祀本或

作之祀誤也去起呂反

使師保之勿使過度是故天子有公諸

侯有卿卿置側室注側室支子之官大夫有貳宗注

貳宗宗子之副貳者士有朋友庶人工商皂隸牧圉

皆有親暱以相輔佐也善則賞之注賞謂宣揚音義

暱女

正義曰賞者善善之名也但上之善下則賜乙反疏之以財故遂以賞為賜財之號此言天子以

下皆有臣僕以輔佐其上而下之賞上不得奉以貨財唯當延其譽耳故知賞謂宣揚也過則匡

之注匡正也患則救之注救其難也音義難乃失則

革之注革更也自王以下各有父兄子弟以補察其

政注補其愆過察其得失史為書注謂大史君舉則

書疏

正義曰周禮有大史小史內史外史御史史官有五名知此史謂大史者以傳稱齊崔杼弑其

君云大史書之知君舉則書皆大史書也

瞽為詩注瞽盲者為詩以風刺

音義

瞽音古盲莫庚反風芳鳳反

疏

正義曰周禮樂官大師之屬有瞽矇之職鄭玄云凡樂之

歌必使瞽矇為焉命其賢知者以為大師小師鄭衆云無目矇謂之瞽有目矇而無見謂之矇無目是盲者也詩者民之所作采得民詩乃使瞽人為歌以風刺非瞽人自為詩也周語云天子聽政公卿至於列士獻詩瞽陳曲章昭云公以下至上士各獻諷諫之詩瞽陳樂曲獻之於王是言瞽為歌詩之事

工

誦箴諫注工樂人也誦箴諫之辭音義

箴之疏正義林反疏曰儀

禮通謂樂人為工工亦瞽也詩辭自是箴諫而箴諫之辭或有非詩者如虞箴之類其文似詩而別且諫者萬端非獨詩箴而已詩必播之於樂餘或直誦其言以歌誦小別故使工瞽異文也周語云師箴瞽賦瞽誦亦是因

大夫規誨注規正諫誨其君疏

正義曰規亦諫

事而異文耳也鄭玄詩箋云規者正圓之器以愚見正君曰規然則物有不圓者規之使圓行有不周者正之使備猶規正物然故云規

士傳言注士卑不得徑達聞君過

失傳告大夫音義

傳直專反注同

庶人謗注庶人不與政聞

君過則誹謗音義

與音預誹如字又本或疏正義曰作非音亦同又甫味反庶人卑

賤不與政教聞君過失不得諫爭得在外誹謗之謗
謂言其過失使在上聞之而自改亦是諫之類也昭
四年傳鄭人謗子產周語厲王虐國人謗王皆是言
其實事謂之為謗但傳聞之事有實有虛或有妄謗
人者今世遂以謗為誣類是俗易而意異也周語云
庶人傳語是庶人亦得傳言以諫上也此有士傳言
故別云庶人

商旅于市注旅陳也陳其貨物以示時

所貴尚疏

正義曰旅陳釋詁文也商旅于市謂商人
見君政惡陳其不正之物以諫君也易云

商旅不行旅亦是商此云陳者彼云商旅不行故以
旅為商此文連于市若以旅為商直云商旅于市則
文不成義故以旅為陳也劉炫云王制言巡守之事
云命市納賈以觀民之所好惡志淫好辟鄭玄云市
典市者賈謂物貴賤厚薄也質則用物貴淫則侈物
貴此亦彼類彼上觀民此民觀上商陳此物自為求

利非欲諫君但觀所陳則貴尚可見在上審而察之其過足以自改故亦為諫類則齊鬻踊之比是也

百工獻藝注獻其技藝以喻政事音義

技其疏正義綺反疏曰周

禮考工記云審曲面勢以飭五材以辨民器謂之百工鄭玄云五材各有工言百衆言之也則工是巧人能用五材金木水火土者也此百事之工各自獻其藝能以其所能譬喻政事因獻所造之器取喻以諫上即夏書所云工執藝事以諫是也故夏書曰適人以木鐸徇于路注

逸書適人行人之官也木鐸木舌金鈴徇于路求歌

謹之言音義

適在由反徐又在幽反又子由反鐸待洛反徇似俊反鈴力丁反

疏正義

曰此在脣征之篇其本文云每歲孟春適人以木鐸徇于路官師相規工執藝事以諫其或不共邦有常

刑此傳引彼畧去每歲孟春直引道人以下乃以正月孟春結之殷勤以示歲首恒必然也孔安國云道人宣令之官木鐸金鈴木舌所以振文教也周禮無適人之官彼云其或不共邦有常刑是號令羣臣百工使之諫也木鐸徇路是號令之事孔言宣令之官杜必以為行人之官者以其云徇于道路故以為行人之官采訪謨諝者與孔宣令之官其事不異劉炫以為杜不見古文以道人為宣令之官徇路求諫而規杜氏不見古文誠如劉說然杜之官師相規注官所解於義自通苟生異見其義非也

師大夫自相規正疏

正義曰杜意謂師為長故以官師為大夫言大夫是羣官之長

大夫自相規正案孔安國云官衆衆官也更相規闕其意以師為衆杜必知官師是大夫者此云官師相規上云大夫規誨規文既同故以為大工執藝事以夫尚書文無所對故孔云官衆衆官也

諫注所謂獻藝正月孟春於是乎有之諫失常也注
有道人徇路之事天之愛民甚矣豈其使一人肆於
民上注肆放也以從其淫而棄天地之性必不然矣

注傳善師曠能因問盡言音義

從子用反
本或作縱

○秋楚子

為庸浦之役故注在前年音義

為于
偽反

子囊師于棠以

伐吳吳不出而還子囊殿注殿後軍音義

殿多
練反

以吳

為不能而弗倣吳人自臯舟之隘要而擊之注臯舟

吳險阨之道音義

倣音景隘於懈反要
一遙反阨於革反

楚人不能相

救吳人敗之獲楚公子宜穀注傳言不備不可以師

○王使劉定公賜齊侯命注將昏於齊故也定公劉

夏位賤以能而使之傳稱謚舉其終曰昔伯舅大公

右我先王股肱周室師保萬民世胄大師以表東海

注胙報也表顯也謂顯封東海以報大師之功音義

右音又胙正義曰師法也保安也言大公與民為才故反疏法而民得以安也尚書泰誓武王數紂

之罪云放黜師保孔安國云可法以安者反放退之是謂良臣為民之師保也王室之不壞

繫伯舅是賴注繫發聲音義壞如字服本作疏正義曰服

虔本壞作懷解云懷柔也緊蒙也賴恃也王室之不懷柔諸侯恃蒙齊桓之匡正也孫毓云案舊本及賈氏皆作壞杜雖不注當謂王室之不傾壞者唯伯舅大公是賴也上文不言桓公不得為賴桓公也今

余命女環注環齊靈公名音義

女音汝環戶關反

茲率舅氏

之典纂乃祖考無忝乃舊敬之哉無廢朕命注纂繼

也因昏而加褒顯傳言王室不能命有功○晉侯問

衛故於中行獻子注問衛逐君當討否獻子荀偃對

曰不如因而定之衛有君矣注謂剽已立伐之未可以得志而勤諸侯史佚有言曰因重而撫之注重不

可移就撫安之音義

佚音逸

仲虺有言曰亡者侮之亂

者取之推亡固存國之道也注仲虺湯左相音義

虺詩

鬼反侮亡甫反相息亮反

疏

正義曰尚書仲虺之誥云兼弱攻昧取亂侮亡推亡固存邦乃其昌孔安

國云弱則兼之闇則攻之亂則取之有亡形則侮之有亡道則推而亡之有存道則輔而固之王者如此國乃昌盛此傳取彼之意而改為之辭其言非本文也

君其定衛以待時乎注

待其昏亂之時乃伐之冬會于戚謀衛也注定立剽

○范宣子假羽毛於齊而弗歸齊人始貳注析羽為

旌王者游車之所建齊私有之因謂之羽毛宣子聞

而借觀之音義

析星
歷反

疏

正義曰周禮司常掌九旗之
物名全羽為旒析羽為旌道

車載旒游車載旌鄭玄云全羽析羽皆五采繫之於
旒旌之上所謂注毛於干首也凡九旗之帛皆用絳
道車象路也王以朝夕燕出入游車木路也王以田
以鄙是其析羽為旌王者游車之所建也鄭玄唯言
全羽析羽有五采耳猶不辨羽是何羽周禮有夏采
之官鄭玄云夏采夏翟羽色禹貢徐州貢夏翟之羽
有虞氏以為綏後世或無故染鳥羽象而用之謂之
夏采其職云掌大喪以乘車建綏復于四郊鄭玄云
明堂位曰有虞氏之旂夏后氏之綏則旌旗有是綏
者或以旒牛尾為之綴於幢上所謂注旌於干首者
釋天云注旌首曰旌李巡曰以旒牛尾著旌首者也
孫炎曰析五采羽注旌上也下亦有旒牛尾著旌首也
言之則羽旒者有五采鳥羽又有旒牛尾也言全羽
析羽者蓋有全取其翅或析取其翮故有全析二名

也繫此鳥羽牛尾而於干首猶自別有絳為旒繆縣之於干今之旗幟尚然也此傳直言羽耳注不引全羽而以析羽解之者以全羽尊於析羽齊人建以赴會當是羽之賤者故以為析羽不然則無以知之計羽毛所用直費無多晉人自應有之而此年范宣子假羽毛於齊定四年晉人假羽旄於鄭皆假之他國者或當制作巧異故聞而借觀之

○楚子囊還自伐吳卒將死遺言

謂子庚必城郢注楚徙都郢未有城郭公子變公子儀因築城為亂事未得訖子囊欲訖而未暇故遺言

見意音義

見賢遍反

君子謂子囊忠君薨不忘增其名注

謂前年謚君為共將死不忘衛社稷可不謂忠乎忠

民之望也詩曰行歸于周萬民所望忠也注詩小雅

忠信為周言德行歸于忠信即為萬民所瞻望音義

行下孟

疏

正義曰此詩小雅都人士之篇也注云城

反注同郭之域曰都言都人之士所行要歸於忠

信其餘萬民寡識者咸瞻望而法倣之

經十有五年春宋公使向戌來聘二月己亥及向戌盟

于劉疏

正義曰荀庚孫良夫卻曄等來聘且尋盟皆直云及其盟不言地者由在國與之盟也此言盟

于劉者出國與盟故書其盟地猶如晉侯與公出盟于長樛也釋例劉地闕蓋魯城外之近地也

劉夏逆王后于齊注劉采地夏名也天子卿書字劉夏

非卿故書名天子無外所命則成故不言逆女疏

正義曰宣

十年天王使王季子來聘傳稱劉康公來聘是王季子食采於劉遂為劉氏此劉夏當是康公之子即前年傳稱劉定公是也釋例曰天子公卿書爵此言天子卿書字又云劉夏非卿其實非大夫而云非卿者以名相配以劉夏非卿稱名故云天子卿書字以決之傳稱卿不行故云劉夏非卿以對之皆望經傳以為義也或以為無爵卿書字杜何意於此獨舉無爵之卿也諸侯之娶言逆女此與桓八年皆言逆王后者天子無外所命則已成后矣故不言逆女也劉炫云例云天子公卿書爵此言卿書字者以其有爵則書爵無則書字傳稱官師即此劉夏釋例以夏為士則夏此時似未有爵若夏是卿當書字傳言卿不行非禮則此禮本當使卿故以卿決之卿當書字夏非卿故書名例稱天子大夫書字但此禮不使大夫故不以大夫決之

夏齊侯伐我北鄙圍成公救成至遇注無傳遇魯地書至遇公畏齊不敢至成

季孫宿叔孫豹帥師城成郛注備齊故夏城非例所譏
秋八月丁巳日有食之注無傳八月無丁巳丁巳七月一日也日月必有誤

邾人伐我南鄙

冬十有一月癸亥晉侯周卒注四同盟疏

正義曰周以成十八年即

位其年盟于虛打襄三年于雞澤五年于戚九年于戲十一年于亳城北凡五同盟言四者唯數襄公盟也

傳十五年春宋向戌來聘且尋盟注報二年豹之聘

尋十一年毫之盟見孟獻子尤其室注尤責過也曰

子有令聞而美其室非所望也對曰我在晉吾兄為

之毀之重勞且不敢間注傳言獻子友于兄且不敢

其實音義

間音間重直用反間間廁之間

疏正義曰間非也不敢非

實者謂恕情實言無所隱諱也故云不隱其實也

○官師從單靖公逆王后

于齊卿不行非禮也注官

師劉夏也天子官師非卿

也劉夏獨過魯告昏故不書單靖公天子不親昏使

上卿逆而公監之故曰卿不行非禮音義

過古禾反
監工銜反

疏

正義曰祭法云官師一廟鄭玄云官師中士下士也釋例云元士中士稱名劉夏石尚是也下士稱

人公會王人于洮是也是天子之官師非卿故劉夏從單靖公而譏卿不行也桓八年祭公來遂逆王后于紀經書祭公此云官師從單靖公唯書劉夏知劉夏獨過魯告昏靖公不至魯也祭公言來遂逆此劉夏不言來遂逆者彼祭公命魯主昏則是因來遂逆此不命魯主昏直過魯告耳故不言來遂也公羊穀梁亦皆直云過我也此公就行矣唯譏卿之不行不譏王不親逆是知於禮天子不親昏使上卿逆而公臨之故唯言卿不行非禮也釋例據此

傳知天子當使公卿天子不親逆也

○楚公子午

為令尹注代子囊公子罷戎為右尹為子馮為大司

馬注子馮叔教從子音義

罷音皮又戶買反焉于委反馮皮氷反從才用反

疏

正義曰案世本為艾獵是孫叔教之兄馮是艾獵之子則馮是叔教兄之子也杜集解及釋例皆以

為艾獵叔教為一人馮是叔教之子世本轉寫多誤杜當考得其真

公子橐師為右司

馬公子成為左司馬屈到為莫教注屈到屈蕩子音

義

橐音託成音城屈居勿反

公子追舒為箴尹注追舒莊王子子

南音義

箴之林反

屈蕩為連尹養由基為宮廐尹以靖國

人君子謂楚於是乎能官人官人國之急也能官人

則民無覲心注無覲覲以求幸音義

廐徐音救覲羊朱反徐音喻覲

音疏

正義曰服虔云連尹射官言射相連屬也若是

棄能不用豈得為能官人也官名臨時所作莫教之徒竝不可解故杜皆不解之

詩云嗟我

懷人寘彼周行能官人也注詩周南也寘置也行列

也周徧也詩人嗟嘆言我思得賢人置之徧於列位

是后妃之志以官人為急音義

寘之豉反下同行戶郎反注及下同徧音

遍下疏

正義曰周南卷耳之篇也序云后妃之志又當輔佐君子求賢審官故詩人述其意后妃

嗟嘆言我思得賢人置之使徧於列位王及公侯伯是后妃之志以官人為急故嗟嘆思之

子男畀采衛大夫各居其列所謂周行也注言自王

以下諸侯大夫各任其職則是詩人周行之志也甸

采衛五服之名天子所居千里曰圻其外曰侯服次

曰甸服次曰男服次曰采服次曰衛服五百里為一

服不言侯男畧舉也音義

任音壬圻音祈

疏

正義曰后妃之志志在輔王求

賢置之於公卿以下之位耳非欲更別求賢置之於王位也但公卿以下尚欲使之皆賢豈欲王之不賢乎雖不欲他賢代王而欲使王行益賢也以周訓為偏言偏在列位故自王以下及六服之內大夫以上皆言之各以賢能居其列位是詩人所謂周行者也計后妃之意亦下及士但傳以士卑故指言大夫耳詩注以周行謂周之列位此注云周徧者斷章為義與詩說不同也此云能官人者謂能官用賢人為公

侯以下王則天之所命非人所用兼言王者王居天位修行善政則是為能官人故杜云自王以下各任其職○鄭尉氏司氏之亂其餘盜在宋注亂在十年鄭

人以子西伯有子產之故納賂于宋注三子之父皆

為尉氏所殺故以馬四十乘注百六十匹音義乘繩證反

下千乘同與師棧師慧注樂師也棧慧其名音義棧扶廢反徐音

伐三月公孫黑為質焉注公孫黑子哲音義質音致哲星歷

反司城子罕以堵女父尉翩司齊與之良司臣而逸

之注賢而放之音義汝女音託諸季武子武子寘諸卞

注子罕以司臣託李氏音義

卡皮彥反

鄭人醢之三人也

注三人堵女父尉翩司齊疏

正義曰以文承司臣之下嫌其亦醢司臣故言

之三

師慧過宋朝將私焉注私小便其相曰朝也注

相師者音義

相息亮反注及下同

慧曰無人焉相曰朝也何故

無人慧曰必無人焉若猶有人豈其以千乘之相易

淫樂之矇必無人焉故也注千乘相謂子產等也言

不為子產殺三盜得賂而歸之是重淫樂而輕相國

音義

易以豉反輕也矇音蒙為于偽反下文為之攻之同

子罕聞之固請而歸

之注言子罕能改過○夏齊侯圍成貳於晉故也注
不畏霸主故敢伐魯於是乎城成郛注郛郭也○秋
邾人伐我南鄙注亦貳於晉故使告于晉晉將為會
以討邾莒注十二年十四年莒人伐魯未之討也晉
侯有疾乃止冬晉悼公卒遂不克會注為明年會澳
梁傳音義澳古
闕反鄭公孫夏如晉奔喪子蟜送葬注夏
子西也言諸侯畏晉故卿共葬音義共音
恭○宋人或
得玉獻諸子罕子罕弗受獻玉者曰以示玉人注玉

人能治玉者玉人以為寶也故敢獻之子罕曰我以不貪為寶爾以玉為寶若以與我皆喪寶也不若人

有其寶疏

正義曰我得不貪女得其玉是我女二人各有其寶

稽首而告曰小

人懷璧不可以越鄉注言必為盜所害音義

喪息浪反

納

此以請死也注請免死子罕寘諸其里使玉人為之

攻之注攻治也富而後使復其所注賣玉得富○十

二月鄭人奪堵狗之妻而歸諸范氏注堵狗堵女父

之族狗娶於晉范氏鄭人既誅女父畏狗因范氏而

作亂故奪其妻歸范氏先絕之傳言鄭之有謀音義
堵音者狗本或
作苟娶七住反

春秋左傳注疏卷三十二

春秋左氏傳注疏卷三十二考證

城防○林堯叟曰防臧氏邑

臣浩

按此近齊之防卽隱

九年會齊侯者也又一近宋隱十年伐宋取防者也
近齊之防為臧氏邑後武仲自邾如防以求立後卽
此防也

傳孟獻子書勞于廟禮也○趙汭補注曰當時諸侯以
善事伯主內外無虞為勞績衰世之意也書勞卽書
至

傳凡書取言易也○趙汭補注曰胡邦衡云隱四年春
莒人伐杞取牟婁上言伐下言取取非易也五年冬
宋人伐鄭圍長葛至六年冬取長葛取得為易乎今
按根牟鄆郛皆不絕其祀故書取趙伯循云凡得國
而不言滅者不絕其祀也臣照按胡銓謂書取非緣
易固然第未言何以書取不書滅也若趙伯循以不
絕其祀為取則偃陽之祀未絕而書滅卽在上文矣
或者邑書取國書滅郛雖小國分為三不成國故亦

書取耶

傳晉國以平數世賴之○

臣召南

按傳侈言讓善之效

耳自偃衰推讓而霸業以興自處父改蒐而禍連數世此復有相讓之事故可稱耳不然明年伐秦卽已將佐不睦遷延無功况數世賴之乎

傳石臬言於子囊曰先王卜征五年疏傳云天子以海內為家時一巡省之○傳云傳字應作鄭蓋鄭康成之注也各本俱然未敢遽改恐係古傳之文而康成

引之

季孫宿會晉士句宋華閱衛孫林父鄭公孫薑莒人邾人于戚○林堯叟曰戚孫林父邑於是林父立公孫剽而晉會于戚以定之襄昭之際大夫無君之禍晉為之也悼公之德衰矣又萬斯大學春秋隨筆曰此與會稷成宋亂無異不書成衛亂者孫林父在會不書亂而成亂自明也

傳范宣子數吳之不德也以退吳人○趙汭曰晉人方

釋楚而從事於秦勢豈能為吳謀楚其通吳以撓楚
不過欲其自相攻而已宣子數吳不德而退之蓋設
辭以拒其伐楚之謀耳杜氏責其伐喪或者又疑傳
妄皆非也

傳姜戎氏注四嶽之後皆姓姜又別為允姓○

臣召南

按戎種不一姜戎是四嶽姜姓之裔故曰姜戎陰戎
是允姓之後以其同惡故並徙之瓜州晉惠公並誘
以來耳非姜戎又別為允姓也杜注似非又瓜州地

在今燉煌按漢書地理志燉煌杜林以為古瓜州地
生美瓜顏師古注曰卽左傳所云允姓之戎居於瓜
州者也其地今猶出大瓜

傳於是知朔生盈而死注朔知瑩之長子盈朔弟也○

臣召南

按史記索隱引系本云莊子首生武子瑩瑩

生莊子朔朔生悼子盈盈生文子蹵蹵生宣子申申
生知伯瑤据此則朔為瑩子盈為朔子朔早卒未及
為卿于傳文為甚順但其祖首旣諡莊朔又諡莊則

誤耳不知杜注何以必指盈為朔弟也

傳瞽為詩疏瞽陳曲○

臣召南

按曲字今本國語作典

非也以是疏瞽陳曲證之則曲字是但古人言詩歌不言曲言曲蓋始於此詩譜亦作曲

傳故夏書曰道人以木鐸徇於路注適人行人之官也

○ 臣浩

按監本訛作行令之官也若杜已注作行令

之官則劉炫不規其失而孔疏又不必辨矣今依疏改正

臣召南

按杜不見古文疑適人徇路類於輜車

之采風故注為行人之官也

傳王室之不壞繫伯舅是賴疏上文不言桓公不得為

賴桓公也○

臣召南

按上既有世胄大師之文則此

句正言桓公匡正之功耳疏未確

春秋左氏傳注疏卷三十二考證

謹按第八頁前六行疏釋例曰刊本釋訛經今改
第十頁後五行疏魯史無容畧之也刊本史訛使
今改

第十二頁後七行注四嶽之後皆姜姓刊本監本
毛本姜姓訛姓姜據宋本改


第十四頁前四行疏秦本貪其土地而遷之也諸
本脫之字據宋本增

第十九頁後五行疏欲共為宴食刊本共作別毛

金史四庫全書
本作則並訛據宋本改

第二十七頁後三行疏以歌誦小別諸本以訛與

據宋本改



覆校官編修臣李光雲

校對官編修臣張秉愚

謄錄貢生臣勵守訓